

第七十五册

卷一百三十一

學制考一

卷一百三十二

學制考二

新纂雲南通志

盧

漢

題

簽







新纂雲南通志卷一百三十一目錄

學制考一

古代學制一

學宮一

歷代建學

歷代崇祀

殿廡位次

禮器

樂器

樂章

歷代扁額

歷代封諡

新纂雲南通志卷一百三十一

學制考一

一國之學制準乎一國之國情我國近百年來國情劇變然在三千年前則猶是歷代相沿之學制也茲以清末改制前之舊學制爲古代學制改革後之新學制爲近代學制

古代學制一

我國舊日學制雖代有因革然在清末改制前則皆吾所自有非自外來者也語其略蓋有官學私學之分三代官學大別之曰國學曰鄉學據小戴記王制及文王世子所言國學又分大小小學在公宮南之左大學在郊天子曰辟雍諸侯曰泮宮而鄉學則州曰序黨曰庠閭曰塾學制雖不同然皆所以明人倫也春秋戰國天子失官學



校不修私家之學於以大盛秦人以吏爲師厥制弗詳要其力反私學則甚明也兩漢私學有書館則小學也有經師講學則大學也其官學之屬於中央者大學則有太學有鴻都門學有四姓小侯學屬於地方者大學則有郡國學小學則縣道邑設校置經師一人鄉設庠聚設序置孝經師一人當其盛時匈奴且遣子入學滇亦漸被焉蜀漢則自諸葛亮平南中後以蔣琬譙周爲勸學從事士皆嚮學魏晉二百年中寢以不振五胡十六國雖非無學然不絕如縷耳南北朝國學與縣州郡學略有可稱而北魏較盛

魏書儒林傳稱斯文鬱然比隆周漢

歷隋至唐中

央曰國學曰太學曰四門學曰廣文館曰書學曰算學曰律學號稱

七學或曰七館皆統於國子監而隸於尙書省之禮部此外復有崇

文館隸東宮有弘文館隸門下省有崇立學隸尙書省之祠部有醫

學隸中書省之太醫署而地方則有府學州學縣學府州醫學府州  
崇立學學制之密超軼前代於時四夷若高麗百濟新羅高昌吐蕃  
相繼遣子弟入學

新唐書  
選舉志

南詔亦沐文風蓋駸駸乎駕兩漢而上之矣

宋代之京都學初有國子監亦稱國子學繼有辟雍有四門學廣文  
館醫學算學書學道學武學畫學小學內小學等而地方則有州學  
軍學監學縣學其書院制之創興在私學中尤放一異彩惜不及大  
渡河以外耳遼金元三代皆以異族入主而元則歷年較久典章制  
度亦較詳備設管學機關在中央有國子監有蒙古國子監有回回  
國子監地方則有諸路儒學提舉司及醫學提舉司其學校則中央  
有國子學有蒙古國子學有回回國子學地方有路學有府學有上  
中州學有下中州學有縣學又有諸路小學諸路醫學諸路蒙古學

諸路陰陽學而書院亦極發達且以國威遠震吾滇興學亦於此始  
可紀焉有明二百七十餘年間學制詳明爲歷代最其學科之擴充  
學規之嚴密皆較優於歷代中央學校則有國子監與宗學地方學  
校則有府學州學縣學都司儒學行都司儒學衛儒學都轉運司儒  
學撫按儒學諸土司儒學社學此外尙有京衛武學衛武學醫學陰  
陽學等而民間書院亦稱極盛清代學制一本元明而損益之屬於  
中央者爲太學旗學宗學屬於地方者直省府廳州縣衛各於所治  
立學此外尙有商學土苗學等按清會典凡學皆設學官以課士府  
曰教授州曰學正縣曰教諭皆以訓導副之其教學必習其禮事明  
其經訓示其程式正其文體又簡學正以董教事及按試嚴以關防  
歲試科試各別其文之等第以賞罰而勸懲之取其童生之優者以



入學凡試生員令學官册而送於院試童生令地方官册而送於院鄉試則錄科各申以禁令三年報滿各列所剔之弊題而下於部以考覈凡生員有廩膳生有增廣生有附生奉恩詔則廣額巡幸亦如之其永廣之額則視其事以爲差至生員食餼久者各以其歲之額而貢於太學曰歲貢有恩詔則加貢焉曰恩貢學官舉其生員之優者三歲學政會巡撫試而貢之曰優貢十有二歲乃各拔其學之尤者而貢之曰拔貢又鄉試中試曰舉人副於正榜曰副貢生省各定其額會試中試曰貢士殿試賜進士出身曰進士凡科場皆設管役頒以規式密以迴避嚴以監察備以供給優以燕賚重以磨勘其試士之法可謂密矣而真能舉課士之實者則在書院與義學云吾國歷代學制大略如此返觀吾滇雖開自戰國而語及文化則實萌於

西漢漢武帝元狩間司馬相如至若水造梁距櫟榆二百餘里講學以開西南風氣時滇人張叔疾鄉人多不知書親負笈往師之受經歸教鄉人同時盛覽亦從司馬相如遊嘗問作賦之法著有賦心四卷而按道侯韓說亦於元狩間使滇興學常璩南中志稱雲南有古漢學基蓋自說始至東漢初有孟璇孝琚者年十二受韓詩兼通孝經二卷美志未遂良可痛惜肅宗元和初蜀郡王阜爲益州太守建興學校逮及蜀漢經學未衰呂凱雍闓竝能文章其簡牘流傳無慙喻蜀而晉之毛孟萬里愬哀辭動當宁尤凜凜有生氣南中志謂其民好學濱犍爲號多士人爲寧州冠冕信矣兩晉以後沒於爨氏然爨龍顏以義熙十年秀才除郎中相征西鎮遷南蠻府行參軍則滇之文教猶未替也

劉宋爨使君碑

唐代南詔崛興晟羅皮曾立孔子廟於國中

續宏  
簡錄

其孫閣羅鳳以鄭回爲相歷鳳伽異異牟尋夢湊三代皆師事  
回皆興禮樂購中國書籍及韋臯爲西川節度使經略西南因南詔  
以破吐蕃頗招撫南人令至蜀學又孫樵書田將軍邊事曰自南康  
公鑿青谿道以和羣蠻俾由蜀而貢又擇羣蠻子弟聚於錦城使習  
書算業就輒去復以他繼如此垂五十年不絕以此推之南詔之雄  
蓋不僅以武力矣宋興力不能及遠段思平據滇號大理國然考蜀  
後主乾德中南蠻布燮段義宗判官姚岑等使蜀敷奏道德一歌一  
詠捷應如流

何光遠  
鑑戒錄

而唐明宗紀雲南使趙和於大渡河南起舍一間  
留信物及雜詩遞至闕下則中原文化仍未絕也至元代置行省其  
學制則有路學府學上中州學下中州學諸路小學等明清繼之廣  
厲學官聲教之隆邁越前代當分別詳紀不概述云



學宮一

古者國家造士之所皆曰學又曰學宮後世以其廟祀孔子故曰廟學亦曰儒學小戴記文王世子凡立學者必釋奠於先聖先師鄭注謂周公若孔子乃舉漢法而言其實大司樂有道有德者爲樂祖祭義祀先賢於西學皆未有專指蓋三代以前或以其國之明君爲先聖而以其時之賢臣爲先師漢魏以來始各以其所受業者爲先師而推尊周孔爲先聖文翁立學宮於成都首祀孔子又畫七十子之像於壁則爲專祀孔子及諸賢從祀之始唐貞觀中詔以孔子爲先聖衆儒爲先師以後乃獨尊孔子不言周公矣

均本清  
通考

元明以來滇土

建學與中原等舊志紀載特詳今踵前武得備書之

歷代建學

後漢肅宗元和中蜀郡王阜爲益州太守政化尤異興起學校漸遷

其俗後漢書西南夷傳唐開元十四年南詔晟羅皮立孔子廟於其國中續宏簡錄及阮元聲南詔野

史宋政和五年文獻通考作六年南詔使按時已改稱大理國李紫琮等過鼎州聞學校文物之

盛請於押伴求詣學瞻拜宣聖像郡守張察許之遂往遍謁見諸生

又乞觀御書閣舉笏叩首宋史外國大理傳元至元十三年賽典赤爲雲南行省

平章政事雲南初闢男女婚嫁多從夷俗間有親死則火之不爲喪

者子弟鮮知書賽典赤教之拜跪之節婚姻行媒死者爲之棺槨奠

祭教民播種爲陂池以備水旱創建孔子廟明倫堂購經史授學田

由是文風稍興元史賽典赤傳十五年張立道除中慶路總管先是雲南雖知

尊孔子而祀逸少爲先師立道廣建孔子廟置學舍勸士人子弟以

學擇蜀士之賢者迎以爲弟子師歲時率諸生行釋菜禮人習禮讓

風俗稍變矣

元史張立道傳

十九年夏四月命雲南諸路皆建學以祀先聖

元史

志

二十九年四月辛卯設雲南諸路學校其教官以蜀士充

元史世祖本紀

大

德九年賽典赤子忽辛為雲南行省右丞先是賽典赤為雲南平章

時建孔子廟為學校撥田五頃以供祭祀教養賽典赤卒田為大德

寺所有忽辛按廟學舊籍奪歸之乃復下諸郡邑遍立廟學選文學

之士為之教官文風大興

元史忽辛傳

明永樂十年三月丙申雲南左參政

呂明善言武定廣西等府居民繁庶請設學校從之上曰學校風化

所繫人性之善蠻夷與中國無異特在上之人作興之耳

大政紀

十五年

順州知州王義言霑被聖化三十餘年聲教所屆言語漸通子弟亦

有俊秀請建學教育從之

明史土司傳

十六年麗江府檢校龐文郁言本府

及寶山巨津通安蘭州四州歸化日久請建學校從之

明史土司傳

正統二



年三月增雲南儒學師生廩米

何喬遠  
名山藏

清順治十八年題准刊立臥

碑置明倫堂之左永為遵守

康熙志

四十一年御製訓飭士子文頒行直

省各學

學政全書  
及清通考

案清代建學事俱詳下各府廳州縣學宮及學額內其崇祀典禮

亦別為記載故僅錄此二事

歷代崇祀

以下各項事不僅關一省故參攷各書及各省志縣志擇要彙編不復詳注所本

漢高祖過魯以太牢祀孔子明帝至魯詣孔子宅親御講堂章帝祀

孔子於闕里作六代之樂

魏廢帝令太常釋奠於辟雍

晉武帝

詔太學及魯國四時備牲祀孔子

北魏孝文帝立孔子廟於京師

詔有司行薦享禮行幸魯城親祠孔子廟詔選孔宗一人封崇聖侯

邑百戶以奉孔子之祀兗州為孔子起園柏修飾墳壠更建碑銘褒

揚聖德 隋制國子寺每歲四仲上丁釋奠州縣學春秋仲月釋奠

此仲丁日釋奠之始 唐太宗詔州縣學皆作孔子廟睿宗詔孔宣

父祠廟令本州修飾取側近三十戶以供灑掃 宋太祖詔增祀祠

塑繪先聖先賢像自爲贊書於孔顏座端令文臣撰餘贊屢臨幸焉

眞宗幸曲阜縣謁廟後復幸孔林祭以太牢詔修飾祠宇哲宗臨國

子監釋奠一獻再拜講無逸終篇乃還徽宗詔聖廟用戟二十四賜

殿名大成此名大成殿之始又詔文宣王用冕十二旒服九章執鎮

圭用王者之制 元世祖詔京師文宣王廟行釋奠禮牲用太牢樂

用升歌 明太祖詔春秋上丁用太牢祭於太學府州縣學少牢禮

樂如太學憲宗詔天下學校孔子廟庭所在凡過門者皆下馬又更

像爲木主

案孔子沒子貢用檀木雕像漢蜀郡太守文翁又塑孔子於石室自後或塑或繪皆用像也洪武十五年太學始更木主嘉靖九年令天下盡撤而瘞之間有藏諸複壁中者於是皆木主矣

清代祀

典益隆光緒三十二年升爲大祀可謂極盛矣

案清代崇祀典禮甚繁如康熙二十四年御製孔子贊顏曾思孟贊勒石摹搨頒發直省各學二十九年定官民人等至學宮下馬例通行各省等事不可勝紀光緒三十二年禮部議准升爲大祀典禮摺片略可考見一切茲備錄於左並別錄殿廡位次禮器樂器樂章御頒匾額等便觀覽焉

附禮部議奏升孔子爲大祀典禮摺片

禮部謹奏爲遵旨議奏仰祈聖鑒事十一月十五日奉上諭朕欽奉慈禧端佑康頤昭豫莊誠壽恭欽獻崇熙皇太后懿旨孔子至聖德配天地萬世師表允宜升爲大祀以昭隆重一切應行典禮該衙門議奏欽此竊維孔子德參兩大道冠百王爲生民以來所

未有及門諸子定論昭垂自漢至明歷代帝王未嘗不事推崇而  
典禮終多缺畧至我朝乃極崇隆聖祖仁皇帝釋奠闕里三跪九  
拜復以曲柄黃蓋留供廟庭世宗憲皇帝釋奠臨雍稱詣學不稱  
幸學案前上香特諭躬親奠帛獻爵跪而不立黃瓦飾闕里之廟  
追封至五代爲王聖誕虔肅致齋聖諱特加敬避高宗純皇帝闕  
里釋奠拜跪之數黃蓋之留均法聖祖又倣世宗欽定闕里文廟  
之制以黃瓦飾太學文廟大成殿大成門特飭太常另繕禮節躬  
行三獻之禮列聖御書文廟碑文聯匾宸章煥發尤必本配天之  
意務極闡揚是崇德報功之典遠軼前朝實隱然有升大祀之意  
引而未發今我皇太后以列聖之心爲心皇上以先師之道爲道  
心源默契德音孔昭曠典特頒日星彪炳跪誦之下欽服難言臣



等又伏讀雍正五年諭曰堯舜禹湯文武之道賴孔子纂述修明  
魯論一書尤切人生日用使萬世倫紀以明名分以辨人心以正  
風俗以端若無孔子則人將忽於天秩天敘之經勢必尊卑倒置  
上下無等千名犯分越禮悖義君不君臣不臣父不父子不子其  
害可勝言哉惟有孔子之教統智愚賢不肖無能越其範圍此所  
以治萬世之天下爲生民所未有也使爲君者不知尊崇孔子何  
以建極於上而表正萬邦乎祖訓煌煌實與此次綸音後先一揆  
雖邇日人心好異學派或致紛歧一經顯示欽崇自足收經正民  
興之效謹將所議升大祀典禮另繕清單恭呈御覽是否有當伏  
乞皇太后皇上聖鑒訓示施行如有未盡事宜容再悉心詳議具  
奏先師既升大祀理應三擡書寫合併聲明謹奏 謹將遵旨議



奏先師升大祀典禮繕單恭呈御覽 一先期祇告查會典國家大典均先期祇告天地宗社致祭嶽鎮海瀆前代帝王陵寢先師闕里先師升爲大祀係屬大典擬請特派親王先期祇告天地太廟社稷及太學先師廟並遣官致祭嶽鎮海瀆帝王陵寢先師闕里一廟制街門三間大成門五間大成殿七間暨御碑亭十四座舊制皆覆黃瓦餘覆綠瓦今擬改爲通覆黃瓦一神牌舊制朱地金書今擬金地青書一神幄及案衣舊制銷金紅緞今擬改爲黃雲緞一爵舊制用銅親臨釋奠增設鑿金銀爵一鑿金銅爵二今擬均改用玉一祭品舊制十籩十豆今擬加二籩二豆爲十二籩十二豆一樂舞舊制六佾今擬用八佾舊制專用文舞今擬添用武舞一釋奠舊制遣官時多今擬春秋丁祭請皇帝親詣行禮以

昭隆重有事則親王恭代一分獻舊制親詣釋奠分獻四配以尙書分獻十二哲及兩廡以侍郎今擬分獻四配以大學士分獻十二哲及兩廡以尙書如親王恭代則分獻四配以尙書分獻十二哲及兩廡以侍郎一視牲舊制先二日禮部尙書一人視牲今擬改先三日視牲一齋戒牌銅人舊制先二日太常寺進設於乾清門今擬先三日進設一致齋舊制皇帝齋於大內二日今擬請致齋三日一入廟升殿舊制贊引對引恭導皇帝由中門入大成門中門升階進殿中門至拜位今擬請由左門入大成門左門升階進殿左門至拜位祭畢禮成出殿門亦如之如遣親王恭代舊制入左門今擬改入右門舊制出左門今擬改出右門一迎神送神舊制皇上行三跪六拜禮今擬改三跪九拜禮一土香舊制皇帝

立而不跪查會典大祀皆跪上香日月中祀亦跪上香先師既升  
大祀擬請皇帝跪上香一跪奠帛爵親行三獻光緒二十年八月  
丁祭親臨釋奠業已遵行今請著爲令一飲福受胙光緒二十年  
親祭始行此禮請著爲令惟查二三十年禮節謝福胙行二跪六拜  
禮今擬謝福胙行三跪九叩禮又查會典大祀贊禮即贊賜福胙  
中祀贊答福胙今擬贊賜福胙舊制遣官飲福受胙今擬如親王  
恭代不飲福受胙一太學及直省祭文既升大祀擬請交翰林院  
另行恭撰一臨文稱引先師舊制雙擡今擬改爲三擡一立碑先  
師既升大祀擬請御賜碑文立石國學以垂久遠一崇聖祠正位  
祭品舊制羊一豕一籩八豆八今擬加牛一籩二豆二一崇聖祠  
承祭官舊制親祭先師之年崇聖祠以大學士承祭今擬親臨釋

奠崇聖祠以親王承祭如遣親王釋奠則崇聖祠以大學士承祭  
一直省府廳州縣文廟規制供奉禮器樂舞暨崇聖祠祭品擬併  
同太學行禮儀節仍遵舊制惟承祭官出入向例由左側門今擬  
改由右側門不飲福受胙以上二十三條謹據臣等愚見是否有  
當請旨遵行再先師升爲大祀春秋釋奠臣等愚見擬請皇上親  
詣行禮先師神牌擬請改用金地青書文廟擬請通覆黃瓦如蒙  
允准則大成殿大成門街門及御碑亭均須修飾見新即崇聖祠  
亦有須展拓之處工程殆非刻期可畢來歲仲春丁祭皇上是否  
先詣行禮抑或俟工竣之日再請親臨釋奠謹附片陳明伏乞聖  
鑒訓示謹奏以上二十三條於光緒三十二年十二月二十日奉  
旨依議欽此



附禮部奏擬告祭崇聖祠事宜摺

禮部謹奏爲請旨事竊臣部於光緒三十二年十二月二十日具奏先師升大祀典禮擬請先期簡派親王祇告天地宗社先師又擬崇聖祠以親王承祭如親王恭代釋奠則崇聖祠以大學士承祭崇聖祠正位祭品擬加牛一籩二豆二奉旨依議欽此仰見朝廷尊師重道並隆禮先師比之前代聖意極爲周浹臣等欽感莫名惟舊制崇聖祠配位及兩廡以國子監所屬官分獻並不開列具題惟國子監官已裁減大半且先師旣升大祀五王亦隆禮有加分獻亦應職位稍尊之官擬請崇聖祠配位分獻以待郎兩廡分獻以內閣學士並擬祭告先師之日同時遣大學士一人告祭崇聖祠如蒙俞允容臣等開列銜名一並請旨簡派又舊制崇聖

祠單擡書寫今擬改爲雙擡似於隆禮先師之意尤爲有合如尙  
有未盡事宜仍應臣等隨時詳擬具奏以期周備是否有當伏乞  
聖鑒訓示謹奏光緒三十三年正月十一日奉旨依議欽此

殿廡位次

正殿奉

至聖先師孔子神位

正中  
南嚮

東配

在殿內東  
旁西嚮

復聖顏子

字子淵魯人唐贈兗公宋封兗國公  
元封兗國復聖公明改稱復聖顏子

述聖子思子

字子思孔子孫宋封沂水侯改沂國公  
元封沂國述聖公明改述聖子思子

西配

在殿內西  
旁東嚮

宗聖曾子

字子輿魯人宋贈郕伯宋封郕國公  
元封郕國宗聖公明改稱宗聖曾子

亞聖孟子

字子與鄒人宋封鄒國公元封鄒國亞聖公明改稱亞聖孟子

東哲

在殿內次東旁西嚮

閔子

字子騫魯人唐稱費侯宋封瑯琊公改封費公明改稱先賢以下皆稱先賢

冉子

字仲弓魯人唐贈薛侯宋封薛公

端木子

字子貢衛人唐贈黎侯宋改封黎公

仲子

字子路卞人唐贈衛侯宋改封衛公

卜子

字子夏衛人唐贈魏侯宋改封魏公

有子

字子若魯人唐贈卞伯宋封平陰侯清乾隆三年升祔十哲

西哲

在殿內次西旁東嚮

冉子

字伯牛魯人唐贈鄆侯宋改封鄆公

宰子

字子我魯人唐贈齊侯宋改封齊公

冉子

字子有魯人唐贈徐侯宋改封徐公

言子

字子游吳人唐贈吳侯宋改封吳公

顓孫子

字子張陳人唐贈陳伯宋封陳公

朱子

字元晦宋婺源人諡文封信國公後改封徽國公淳祐元年從祀元改封齊國公清康熙五十一年升附十哲之次

東廡先賢

在殿下東旁西嚮

公孫僑

字子產鄭人清咸豐七年從祀

林放

字子邱唐贈清河伯宋封長山侯明改祀於鄉清雍正二年復祀

原憲

字子思魯人唐贈原伯宋封任城侯明改稱先賢以下各先賢同

南宮适

字子容魯人唐贈郟伯宋改封汝陽侯

商瞿

字子木魯人唐贈蒙伯宋封須昌侯

漆雕開

字子開魯人唐贈滕伯宋封平輿侯



司馬耕

字子牛宋人唐贈  
向伯宋封睢陽侯

梁鱣

字叔魚魯人唐贈  
梁伯宋封千乘侯

冉孺

字子魯魯人唐贈  
紀伯宋封臨沂侯

伯虔

字子哲魯人唐贈  
聊伯宋封球陽侯

冉季

字子產魯人唐贈東  
平伯宋封諸城侯

漆雕徒父

字子有蔡人唐贈武  
城伯宋封濮陽侯

漆雕哆

字子欽魯人唐贈武  
城伯宋封濮陽侯

公西赤

字子華魯人唐贈  
郟伯宋封鉅野侯

任不齊

字子選楚人唐贈任  
城伯宋封富陽侯

公良孺

字子正陳人唐贈東  
牟伯宋封牟平侯

公肩定

字子仲魯人唐贈新  
田伯宋封梁父侯

鄒單 字子家齊人唐贈銅鞮伯宋封聊城侯

罕父黑 字子素魯人唐贈乘邱伯宋封祁鄉侯

榮旂 字子祺魯人唐贈零妻伯宋封厭次侯

左人郢 字子行魯人唐贈臨淄伯宋封南華侯

鄭國 字子徒魯人唐贈萊陽伯宋封胸山侯

原元 字子籍魯人唐贈萊蕪伯宋封樂平侯

廉潔 字子庸衛人唐贈莒父伯宋封胙城侯

叔仲會 字子期晉人唐贈瑕邱伯宋封博平侯

公西輿如 字子上魯人唐贈重邱伯宋封臨胸侯

邾巽 字子斂魯人唐贈平陸伯宋封高堂侯

陳亢 字子禽陳人唐贈額伯宋封南頓侯

琴張

字子開衛人唐贈南陵伯宋封平陽侯

步叔乘

字子車齊人唐贈淳于伯宋封博昌侯

秦非

字子之魯人唐贈汧陽伯宋封華亭侯

顏噲

字子聲魯人唐贈朱虛伯宋封濟陽侯

顏何

字子冉魯人唐贈開陽伯宋封堂邑侯明嘉靖九年罷清雍正二年復祀

縣亶

字子家魯人清雍正二年從祀

牧皮

魯人力牧之後清雍正二年從祀

樂正克

周人或云齊人宋配享孟廟封利國侯清雍正二年從祀

萬章

齊人或云鄒人宋配享孟廟封博興伯清雍正二年從祀

周敦頤

字茂升道州人諡曰元宋淳祐元年從祀封汝南伯元封道國公清雍正二年改稱先賢

程灝

字伯淳河南人諡曰純宋淳祐元年從祀封河南伯元封豫國公明改稱先賢

邵雍 字堯夫河南人諡康節宋咸淳三年從祀封新安伯明改稱先賢

東廡先儒 在殿下次 東旁西嚮

公羊高 齊人唐貞觀二十一年從祀宋封臨淄伯明改稱先儒 以下各先儒同

伏勝 字子賤漢濟南人唐貞觀二十一年從祀宋封乘氏伯

毛亨 漢河間人清同治二年從祀

孔安國 字子國孔子十一世孫漢博士唐貞觀二十一年從祀宋封曲阜伯

后蒼 字近君漢東海郯人明嘉靖九年從祀

許慎 字叔重漢汝南人清光緒二年從祀

鄭玄 字康成漢高密人唐貞觀二十一年從祀宋封高密伯明改祀於鄉清雍正二年復祀

范甯 字武子晉南陽人封陽遂侯唐貞觀二十一年從祀宋封新野伯明改祀於鄉清雍正二年復祀

陸贄 字敬輿唐嘉興人諡曰宣清道光六年從祀



范仲淹

字希文宋吳縣人封汝南公諡文正  
後封楚國公清康熙五十四年從祀

歐陽修

字永叔宋廬陵人諡文忠  
明嘉靖九年從祀

司馬光

字君實宋夏縣人諡文正  
贈溫國公咸淳三年從祀

謝良佐

字顯道宋上蔡人清  
道光二十九年從祀

游酢

字定夫宋建州人清  
光緒十七年從祀

羅從彥

字仲素宋劍浦人諡文質  
明萬曆四十二年從祀

李綱

字伯紀宋邵武人  
清咸豐元年從祀

張栻

字敬夫宋縣竹人諡曰宣  
贈華陽伯景定二年從祀

陸九淵

字子靜宋金谿人諡  
文明嘉靖九年從祀

陳淳

字安卿宋龍溪人  
清雍正二年從祀

眞德秀

字景元宋浦城人諡文忠元封福國公  
明正統元年從祀成化三年封浦城伯

何基 字子恭 宋金華人 諡文定 清雍正二年從祀

文天祥 字履善 宋吉水人 清道光二十三年從祀

趙復 字仁甫 宋德安人 諡文復 清雍正二年從祀

金履祥 字吉父 元蘭溪人 諡文安 清雍正二年從祀

陳澹 字可大 元都昌人 諡文澹 清雍正二年從祀

方孝孺 字希直 明寧海人 諡文正 清同治二年從祀

薛瑄 字德溫 明河津人 諡文清 隆慶五年從祀

胡居仁 字叔心 明餘干人 諡文敬 萬曆十二年從祀

羅欽順 字允升 明泰和人 諡文莊 清雍正二年從祀

呂柟 字仲木 明高陵人 諡文清 同治二年從祀

劉宗周 字啓東 明山陰人 諡忠介 道光二年從祀

孫奇逢

字啓泰明容城人  
清道光八年從祀

黃宗羲

字太冲明餘姚人清  
光緒三十四年從祀

張履祥

字考夫明桐鄉人  
清同治十年從祀

王夫之

字而農明衡陽人清  
光緒三十四年從祀

陸隴其

字稼書清平湖人雍正二年  
從祀乾隆元年追諡清獻

張伯行

字孝先清蘭封人諡  
清恪光緒四年從祀

西廡先賢

在殿下西  
旁東嚮

蘧瑗

字伯玉衛人唐贈衛伯宋封內黃侯元祐  
六年從祀明改祀於鄉清雍正二年復祀

澹臺滅明

字子羽魯人唐贈江伯宋封金鄉  
侯明改稱先賢以下各先賢同

宓不齊

字子賤魯人唐贈單  
父伯宋封單父侯

公冶長

字子長魯人唐贈  
莒伯宋封高密侯

公哲哀字子次齊人唐贈鄒伯宋封北海侯

高柴字子羔齊人唐贈共城伯宋封其城侯

樊須字子遲魯人唐贈樊伯宋封益都侯

商澤字子季魯人唐贈陽伯宋封鄆平侯

巫馬施字子旗陳人唐贈鄒伯宋封東阿侯

顏辛字子柳魯人唐贈蕭伯宋封陽穀侯

曹卣字子循蔡人唐贈曹伯宋封上蔡侯

公孫龍字子石楚人或云衛人唐贈黃伯宋封枚江侯

秦商字子丕魯人唐贈上洛伯宋封鄆城侯

顏高字子嶠魯人唐贈瑯琊伯宋封雷澤侯

壤駟赤字子徒秦人唐贈北徵伯宋封上邽侯

石作蜀

字子明秦人唐贈郿邑伯  
(或作石邑)宋封成紀侯

公夏首

字子乘魯人唐贈亢  
父伯宋封鉅平侯

后處

字子里齊人唐贈營  
邱伯宋封膠東侯

奚容蒧

字子哲衛人唐贈下  
邳伯宋封濟陽侯

顏祖

字子襄魯人唐贈臨  
沂伯宋封富陽侯

句井疆

字子界衛人唐贈淇  
陽伯宋封滎陽侯

秦祖

字子南秦人唐贈少  
梁伯宋封馮翊侯

縣成

字子祺唐贈鉅野  
伯宋封武城侯

公祖句茲

字子之魯人唐贈期  
思伯宋封即墨侯

燕伋

字子思秦人(或云魯人)  
唐贈漁陽伯宋封濟源侯

樂欬

字子聲魯人唐贈昌  
平伯宋封建城侯



狄黑

字子哲衛人唐贈臨濟伯宋封林慮侯

孔忠

字子茂孔子兄之子唐贈汝陽伯宋封鄆城侯

公西

字子上魯人唐贈祝阿伯宋封徐城侯

顏之僕

字子叔魯人唐贈東武伯宋封宛旬侯

施之常

字子恆魯人唐贈乘氏伯宋封臨濮侯

申棖

字子周魯人唐贈召陵伯宋封文登侯

左邱明

魯人唐貞觀二十一年從祀宋封瑕邱伯改中都伯明改稱先儒洵雍正二年升祀先賢（或云崇禎十五年改先賢）

秦冉

字子開魯人唐贈彭衙伯宋封新息侯明嘉靖時罷清雍正二年復祀

公明儀

魯武城人清咸豐三年從祀

公都彀

齊人宋配享孟廟封平陰伯清雍正二年從祀

公孫丑

齊人宋配享孟廟封壽光伯清雍正二年從祀

**張載** 字子厚宋郾縣人諡曰明淳祐元年從祀封鄆伯清雍正二年改稱先賢（或云明改先賢）

**程頤** 字正叔宋河南人諡曰正淳祐元年從祀封伊陽伯元加封洛國公清雍正二年改稱先賢（或云明改先賢）

**西廡先儒** 在殿下次西旁東嚮

**穀梁赤** 字應邵魯人唐貞觀二十一年從祀宋封龔邱伯改睢陵伯明改稱先儒以下各先儒同

**高堂生** 漢魯人唐貞觀二十一年從祀宋封萊蕪伯

**董仲舒** 字寬夫漢廣川人元至順元年從祀明封江都伯後改封廣川伯

**劉德** 漢景帝子封河間獻王清光緒三年從祀

**毛萇** 字長公漢趙人唐貞觀二十一年從祀宋封樂壽伯

**杜子春** 字時元漢緱氏人唐貞觀二十一年從祀宋封緱氏伯

**諸葛亮** 字孔明漢末瑯琊人封武侯諡忠武元加封王爵清雍正二年從祀

**王通** 字仲淹陳龍門人私諡文中子明嘉靖九年從祀

韓愈

字退之唐河陽修武人諡曰文  
封昌黎伯宋元豐六年從祀

胡瑗

字翼之宋海陵人諡安定改文昭端平  
二年從祀（或云嘉靖九年從祀）

韓琦

字穉圭宋安陽人封魏國公追封  
魏王諡忠獻清咸豐六年從祀

楊時

字中立宋將樂人諡文靖元封吳  
國公明弘治九年從祀封將樂伯

呂大臨

字與叔宋藍田人清  
光緒二十年從祀

尹焞

字彥明宋洛陽人  
清雍正二年從祀

胡安國

字康侯宋崇安人諡文定元  
封楚國公明正統元年從祀

李侗

字愿中宋劍浦人元封越國  
公明萬曆四十二年從祀

呂祖謙

字伯恭宋婺州人諡曰成改諡  
忠亮景定二年從祀封開封伯

袁燾

字叔和宋鄞縣人諡正  
獻清同治七年從祀

黃幹

字直卿宋閩縣人諡文  
肅清雍正二年從祀

輔廣 字漢卿 宋嘉興人 清光緒四年從祀

蔡沈 字仲默 宋建陽人 贈榮國公 元封建國公 明諡文正 正統元年從祀 又封崇安伯

魏了翁 字華父 宋浦江人 諡文靖 贈秦國公 清雍正二年從祀

王柏 字令之 宋金華人 諡文憲 清雍正二年從祀

陸秀夫 字君實 宋鹽城人 清咸豐九年從祀

許衡 字仲平 元河內人 諡文正 贈魏國公 皇慶二年從祀

吳澄 字幼清 元崇仁人 諡文正 封臨川郡公 明正統八年從祀 嘉靖九年罷祀 清乾隆三年復祀

許謙 字益之 元金華人 諡文懿 清雍正二年從祀

曹端 字正夫 明澠池人 私諡淨修 清咸豐十年從祀

陳獻章 字公甫 明新會人 諡文恭 萬曆十二年從祀

蔡清 字介夫 明晉江人 諡文莊 清雍正二年從祀

王守仁 字伯安明餘姚人封新建伯贈侯諡文成萬曆十二年從祀

呂坤 字叔簡明寧陵人清道光六年從祀

黃道周 字幼平明漳浦人清諡忠端道光五年從祀

陸世儀 字道威明太倉人清光緒元年從祀

湯斌 字孔伯清睢州人諡文正道光三年從祀

顧炎武 初名絳字寧人明崑山人清光緒三十四年從祀

### 崇聖祠

### 正位奉

肇聖王木金父公 孔子五世祖

裕聖王祈父公 孔子高祖

詒聖王防叔公 孔子曾祖



昌聖王伯夏公孔子祖

啓聖王叔梁公孔子父宋大中祥符元年封齊國公元至順元年加啓聖王嘉靖九年立祠題啓聖清雍正元年稱崇聖祠

東配在祠內東  
旁西嚮

先賢孔氏名孟皮字伯尼孔子  
兄清咸豐七年配享

先賢顏氏名無繇字路顏子之父唐開元二十七年從祀贈杞伯宋祥符二年封曲阜侯元至順三年封杞國公諡文裕明嘉靖九年改配啓聖祠

先賢孔氏名鯉字伯魚子思子父宋崇甯元年封泗水侯咸淳二年從祀明嘉靖九年改配啓聖祠

西配在祠內西  
旁東嚮

先賢曾氏名點字子皙曾子之父唐開元二十七年從祀封宿伯宋祥符二年封萊蕪侯明嘉靖九年改配啓聖祠

先賢孟孫氏名激孟子之父元延祐三年封鄒國公明嘉靖九年配享

東廡先儒在祠外東  
旁西嚮

周輔成敦頤父明萬曆二十三年從祀

程垅字伯溫顯頤父封永平伯明嘉靖九年從祀

蔡元定字季通沈之父嘉定三年贈迪功郎諡文節明嘉靖九年從祀

西廡先儒在祠外西旁東嚮

張迪載父清雍正二年從祀

朱松字喬年號章齋朱子之父至正二十一年諡清獻明嘉靖九年從祀

### 禮器

承牲以俎承帛以篚書祝文則用版裸獻之器曰爵曰罍縮酒之器曰茅沙池盛酒醴之器曰太尊曰犧尊曰象尊曰山尊曰雷尊曰著曰壺尊曰彝尊酌酒之器曰勺置爵之器曰坫盛食品之器曰登曰鋤曰簠曰簋曰籩曰豆用以蒸香者曰香鼎用以炳蕭脂者曰燔鑪用以然照者曰燭檠曰庭燎用以滌濯盥洗者曰罍曰洗用以皮祭

器者曰案曰几

### 樂器

金之屬有編鐘有鋪石之屬有編磬絲之屬有琴有瑟竹之屬有排  
簫有洞簫有笛有篪有管匏之屬有笙土之屬有埙革之屬有鼗鼓  
有楹鼓有足鼓有搏拊有相鼓有鼗鼓有提鼓木之屬有祝有敔有  
拍板舞之器有籥有翟引樂之器曰麾引舞之器曰節

樂章

春祭夾鐘爲宮倍應鐘起調  
秋祭南宮爲宮仲呂起調

清順治十三年頒國子監文廟大成樂章康熙八年改章名和爲平  
稱中和韶樂五十二年改造樂器審定黃鐘之度五十五年奏定平  
字樂章通行贊唱雍正二年令闕里司樂選工付太常演習訂正轉  
相傳授以達於直省各學乾隆八年照康熙間用平字撰樂譜十二

章頌於各學

迎神奏咸平之章

無舞

大哉孔子先覺先知與天地參萬世之師祥徵麟跋韻答金絲日月

既揭乾坤清夷

初獻奏寧平之章

有舞

予懷明德玉振金聲生民未有展也大成俎豆千古春秋上丁清酒

既載其香始升

亞獻奏安平之章

有舞

式禮莫愆升堂再獻響協鼗鏞誠孚疊獻肅肅雍雍譽髦斯彥禮陶

樂淑相觀而善

終獻奏景平之章

有舞

自古在昔先民有作皮弁祭禋於論思樂惟天牖民惟聖時若彝倫攸紱至今木鐸

徹饌奏咸平之章無舞

先師有言祭則受福四海饗宮疇敢不肅禮成告徹毋疏毋瀆樂所自生中原有菽

送神奏咸平之章無舞

鳧繹峩峩洙泗洋洋景行行止流澤無疆聿昭祀事祀事孔明化我蒸民育我膠庠

歷代扁額清代各帝均有御書匾額頒行直省各學彙編如左

清康熙二十三年頒萬世師表額雍正三年頒生民未有額乾隆二  
年頒與天地參額嘉慶四年頒聖集大成額道光二年頒聖協時中



額咸豐元年頒德齊幃載額同治元年頒聖神天縱額光緒元年頒斯文在茲額宣統元年頒位育中和額

歷代封諡

漢平帝追諡褒成宣尼父 東漢和帝封褒尊侯 後魏孝文帝諡文宣尼父 後周靜帝封鄒國公 隋煬帝贈先師尼父 唐高祖尊爲先師太宗升爲先聖後又尊爲宣尼父高宗封太師後又封隆道公玄宗詔諡文宣王南向被王者之服 宋眞宗加諡至聖文宣王 元成宗稱大成武宗文宗稱大成至聖文宣王 明世宗稱至聖先師 清順治二年加稱大成至聖文宣王先師十七年改稱至聖先師孔子神位

案歷代詔贊碑頌甚繁不能悉錄錄其犖犖大者如右

宋史宗室傳 卷一百一十一 宗室一

聖宗朝 子輔

聖宗朝 子輔 聖宗大知聖宗文宣王長嗣 十子 聖宗至

王 元祖宗憲大知聖宗文宣王長嗣 聖宗文宣王 聖宗至

聖宗文宣王 聖宗至 聖宗文宣王 聖宗至 聖宗文宣王

聖宗文宣王 聖宗至 聖宗文宣王 聖宗至 聖宗文宣王

聖宗文宣王 聖宗至 聖宗文宣王 聖宗至 聖宗文宣王

聖宗文宣王 聖宗至 聖宗文宣王 聖宗至 聖宗文宣王

聖宗文宣王

聖宗文宣王 聖宗至 聖宗文宣王 聖宗至 聖宗文宣王

聖宗文宣王 聖宗至 聖宗文宣王 聖宗至 聖宗文宣王

新纂雲南通志卷一百三十二目錄

學制考二

古代學制二

學宮二

各府廳州縣學宮

卷之二

學

古

學

學

新纂雲南通志卷一百三十二

學制考二

古代學制二

學宮二

各府廳州縣學宮

雲南府學宮 在五華山右元至元間總管張立道建兼置學舍平

章瞻思丁繼拓之元郭松年有創建中慶路大成廟碑記詳金石考後廢

明洪武初西平侯沐英因舊址建廟學景泰間巡撫鄭顥建成德

達材二坊天順五年都督沐瓚以次興修弘治十五年巡按何琛

建講堂聚奎樓增置號舍康熙志正德間重修雲南府志（明大學士王鏊重修雲南府儒學略）孔子之道如天罔不覆幬而亦或有不及

昔人謂盟曼之書能行諸夏宜尼之道不及跋提以西日月麗天陰崖獨暗非物有障闕之也耶闕而闕之則惟其時惟其人雲南古西南外傲邛笮再驪巒雄直畔之域蓋在我朝作鎮分藩建學設科俗皆丕變滇士彬彬而出纓冠束帶立於其朝與中州爭先



非以其時耶正德已卯巡撫雲南都御史何公孟春巡按監察御史陳君察始至視學泮隘卑陋堂殿門廡樑楹圯腐聖賢像設齋味剝落相顧嗟咨謂茲土雖遠京師聖化漸被比中州而教化所出蕪穢不治何以仰稱朝廷之意簞遠人之瞻乃命知雲南府事邵君鏞董其役節冗費募閭民拓大成殿遷尊經閣麗觀深像設儼煥又伐石爲門樹以綽楔疊舍傍列周垣外綠煥然改觀始事於己卯十一月明年十月訖工遠近來觀咸有思樂頽水之意且願紀成績以示其後余惟道之在天下無古今遠邇昔之障之道果損乎今之圖之也道果益乎而二君子成績不可不紀故爲之記

嘉靖十年建啓聖祠敬一箴亭及視聽言動心

五箴碑萬曆元年巡撫鄒應龍鑿泮池十八年知府易以巽重修

殿廡四十年巡按鄧漢提學黃琮以縣學廟附於府四十三年巡

撫周嘉謨提學張聞廷建明倫堂明季燬於兵燹遷建於長春觀

清康熙二十九年總督范承勳以規制未協同巡撫王繼文請仍

改建今地合府縣廟學爲一始置祭器樂器悉依闕里規制

（總督范承勳改建）

省城府縣學宮記一雲南有學始於漢章帝元和二年其說存其地未可深考自漢以下歷時興替亦未有定所迨元而建置始可考焉至於有明人文之盛競於中土咸曰學校爲之也及其考其學校何地則在五華山之西麓間嘗登覽其概平岡夾壘蟠互城中爲省龍正脈有從蕪草廢垣中指數之曰此舊日俎豆之區也詩書禮樂之所萃也余得其始末輒爲慨然曰建學古今所同世治未嘗不興世衰未嘗不替其興替之故非地爲之而若與地有攸係焉我皇上作興文教薄海內外百度維新余忝蒞茲土於今五

年思所以移風易俗仰贊文治之盛未始不熟籌其當而人材聲教尙無鬱而未宣之象夫豈前代之規模當啓而今茲之風尙難循與適兩庠士子合詞來請謂當日府縣原屬一學向以變亂思遷今當急爲合建上應文明之會其言甚正與余愛育人才振興

聲教之本懷深有合契者因商於中丞王公暨司道諸君咸以爲然且曰乘時改建於象爲革革之上六曰君子豹變其文蔚也改作而且由舊於義爲復復之詞曰復其見天地之心乎舉大事而協占於易且晚興作烏容緩余曰唯唯是誠不可緩即繕疏奏聞制曰可擇日肇事諸公共襄迺續基不再卜有五華之舊址在材料移舊添新不支帑不徵調人情所奮陰若助之始於庚午之冬訖於辛未之夏兩庠合一悉仍古構殿廡門堂齋舍祠宇諸所具備咸中程式於其成用釋菜禮則禮器樂舞之更新者皇皇濟濟陳於堂之上下羣大夫分獻趨踏士庶之觀者闔橋門如堵莫不歡呼而進祝曰革而新復而舊合天道也得地靈也順人心也三善具而人文風化翕然不變可操盤匱而與山川之神歆歆之矣余曰唯唯否否余之爲是舉也非形家者言也古先王立學以爲教習之詩書絃誦範之道德行誼使之明其體達其用淑其身心以行於日用倫常之間而推之君臣上下人民事物之際無不具本末而善經權學之既成然後與其賢者庸之以位論之以才別之以任抒其夙昔之所抱而遺鉅投艱實有效於天下國家所以人品既出風俗亦純後世寔失其意竟以科第利祿爲念於是舍其在己之可恃者而覬覦造物之私遂以形家之三吉六秀與五經四子相輔而行其刺謬甚矣且即以形家論之亦自有本山川得位則天地中和之氣網縈磅礴鍾乎人必有聰明正直之資孝弟忠信之德不偏不駁少成若性長而涵育於聖賢之道處則品行端恪出則政事詳明凡榮膺私利之習非所志已此所謂山川之毓秀也而豈假其靈焉遂可不耕而刈不狩而獲哉今與諸師儒約躬教責者本先王之制爲品節條理勤勤開導而勸勉之下之執經者憲省惕厲舍其舊而新是圖立志須高積學須大一稟聖賢之訓而虛誠恭遜以副師長之所期無容以利祿之心自卑其建立則上爲名臣下爲俊又將見人才聲教頡頏中原其發祥正未有艾山川之光又重乎人矣是則余改建之本懷也至工作之若干經費之若干總其程

### 三十四年巡撫石文晟建御製至聖先師及四

配贊碑亭雍正四年總督鄂爾泰增備祭器總督鄂爾泰丁祭教竊惟至聖先師萬世之師表也冠帶集團橋天子有臨雍

之典春秋屆仲月上丁修釋菜之儀內則命夫胄子三公外則寄於有司羣牧典恭嚴也誰敢懈焉本部院前蒞南藩職司秉鬯恭逢丁祭親齋沐而宿鬯宮先令儒官較簿書而正祭器乃知牲或已經宰殺既失告全致潔之心物豈盡屬肥鮮更乖博碩蕃滋之

義且或常供不充夫額數任先後以挪移珍品不給於豆籩致蕪鹽之雙疊兼聞各學亦有同風罔知共竭精誠但解奉行故事甚或尊曷未備疇詳儼象之形琴瑟雖陳莫辨敵麗之狀觀者如牆如堵任彼咆哮祭者似醉似癡顏如鷲誓一尊纔薦滿庭之燎火

無輝三獻未終兩廡之燈光已滅於是齋鑪與篋竄悉憑顛倒几筵鹿兔共榛菱似遇摩空鵲雀分甘奪臘半由承祭之家人拍地喧天遑問糾儀之齋長駿奔髦士震時怒髮衝冠與隸膳夫一片雄心染指凡此之類罪豈勝誅皆由約束之不嚴亦以躬行之未善不思主爵則身膺一命幸得窺聖人門牆分獻則職任半甕原以司泮宮俎豆平時未知化導已蒙尸位之譏臨事不克恪恭難免曠官之咎於是飭郡守州牧縣令等職兼以誠教授學正諭道諸員各矢乃心以襄大典預期三日牲牲皆供乎饋牽先事一朝品物盡陳於頰壁齋戒沐浴來觀習樂試歌舞於明倫堂前料量潔清退服寢衣斂精神於尊經閣畔庶幾必誠必信斯夙夜之惟寅無怠無愆知神人之威格是竝申之條約用以頒諸學宮一既奉肇聖五王不惟簞籩豆籩照數增設即牲牲亦應各增其四有議共牲者其說不可從考之典禮惟配享有可以共牲者專主無共牲之禮書云文王駢牛一武王駢牛一其明徵也自三代至漢唐皆不聞有共牲之說惟後漢有赤帝青帝共一犢白帝黑帝共一犢議者非之唐開元時五品以上室異牲六品以下共牲豈有王爵而可共牲者乎其合照數增一爲五可也一登牲祭品皆有定額一豆一籩罔可缺遺况牲取親割以告虔也取其血毛以告全也可既幸而入學門乎豕曰剛鬣註謂其豕肥則鬣剛羊曰柔毛註謂其羊肥則毛細而柔弱此博碩肥腍之所由稱也可以瘦瘠不堪之羊豕而飲之灌之以充牲怪乎既宰且不可瘦瘠且不可况可缺其額而肥吏胥之囊囊乎月令曰犧牲無用牝又曰命宰祝循行犧牲視全具按芻象瞻肥瘠察物色必比類量大小視長短皆中度五者備當上帝其饗註曰上帝且歆享之况羣神乎嗣後各官俱須先三日親至學視牲怪如法然後稽其數使人牧之以待先一夕親割吏雖姦其何所施乎一丁祭先數日集樂舞生演習精熟先一日與祭官親同往觀不得草率從事一丁祭先一夕凡與祭官齊集學宮齋宿不得有一員私宿本署一丁祭之日庭燎燈燭務須光明如晝以俟祭畢後已除神前燈燭之外即官員不得各自張燈一丁祭之日樞星門外不得容一閒雜人所  
有事宜止許學書幹辦及小心謹慎鬥二人或四人照管燈燭其官員僕從人等一概於門外伺候萬無使僕從人持燈夾塾相隨上殿及上兩廡之禮君師一體幸勿自取罪戾以貽失禮之愆也一丁祭之日既不容一閒雜人自無搶奪祭燭及祭品之人倘或仍有潛匿門內乘空搶奪者以盜賊論即時擒獲解司以憑盡法重究一學宮之地聖賢靈爽所依不惟丁祭宜修治肅清即平時尤宜灑掃淨潔近每見龔宮以內栽瓜種菜學圃成澆灌之場曝被晒衣諸生絕往來之路甚至丹楹刻桷徒供蝙蝠棲遲鳥革鞏飛盡是齷齪巢穴蛛塵百斛廟貌埋埃垢之中黷糞千箕腥穢聞宮牆之外皆已安之若素久且習爲固然甚至先儒先賢兩廡之神牌倒置鄉賢名宦兩祠之神位倒顛非其子孫有誰咨問加之朽蠹若罔聞知凡爾學官所司何職即諸門斗多亦奚爲嗣後教官不時巡察務令門斗分班輪流值日掃除學宮之內不得容一毫塵垢庶亦無忝厥司也慎哉勿忽



年總督尹繼善巡撫張允隨督學吳應枚布政使陳宏謀重修并

易琉璃瓦添備祭器樂器雍正志一布政使臨桂陳宏謀整飭學宮丁祭撤一為特飭整理學宮慎重丁

屢蒙大憲諄切申飭又經前督憲鄂釐定禮文祭器考定位次頒發條約圖冊精詳周至允宜恪遵以盡職守乃細訪所屬奉行惟謹者固亦有人而漫不經心任其荒廢者亦復不少惟殿祠廊廡則上漏旁穿牆壁樞窗則東傾西塌庭除有人畜之穢几案皆烏

鼠之蹤木主斜敝龕櫺塵積印官教官熟視之若無觀也春秋兩祭奉行故事凡百供陳委諸僕隸先事既不躬親臨時復不省視以致羸瘠之牲宰污濁之葢醢蒙垢之黍盛含蛙之粟棗種種不堪雜然竝進執事漫無告誡宿齋不復舉行不過五鼓排班勉強

一拜任聽書役隨從竊取祭品攘奪燈燭拜獻未終几筵狼藉豆登未撤燎炬無光他如禮文之苟簡執事之錯謬樂舞之生疏登降進退之愆忒有非指數所能盡者特行申諭為此示諭合屬守令教官知悉各宜懷遵前督憲頒行條約謹飭學宮壞者葺之闕

者補之剝落者丹雘之敲斜錯亂者排正之龜几不時拂拭殿庭不時掃除蕪蔓不時剪刈人畜作踐不時防禁務使廟貌煥然庭除修潔庶以安聖靈而肅觀瞻至於臨時致祭務須恪遵典禮祇奉章程牲牲必肥臚品物必豐潔省牲省器一一躬親同宿祭所

必誠必敬自官司以逮奔走內外嘗禱肅之人自降神以及撤饌始終無懈意之志該屬試思里巷小民於尋常祠廟猶知設法興修豈民社之司師儒之長反不如里巷小民乎賓客往來尋常燕饗猶須致敬盡禮豈躬承大祭任意褻越反不如尋常燕饗乎况

修葺整理為費幾何齋宿省視為勞幾何是可苟也孰不可苟也本司職任旬宣志在尊崇典禮學宮重地丁祭鉅典一任玩忽罪干不敬言之不無過激心切望於遵行願與各屬共勉之 乾隆十四年紳士

梁昇杜東輅重修嘉慶十年教諭樂恆紳士倪士元劉騰蛟等捐

修崇聖殿建左右兩廂十七年紳士倪士元余謙吉等復以舊制

卑隘重修大成殿內外門廡昆明縣志略光緒五年總督劉長佑巡撫杜

瑞聯修葺并添置祭器樂器

光緒志

昆明縣學宮 舊在府學西北明弘治十六年巡撫林元甫巡按陳

天祥建嘉靖十七年巡撫汪文盛以地卑溼遷於府學東南

康熙志

舊

在菜海子萬曆間兵備副使高薦黃文炳相繼重修四十年合府

縣爲一學崇禎元年知府王紹旦增修迨流寇折毀又遷於長春

觀清順治時總督趙廷臣卞三元巡撫袁懋功布政使李本晟知

府張應徵推官張一鵠協力捐修康熙二十三年總督蔡毓榮疏

請以吳三桂廢宅改爲昆明縣儒學未觀厥成二十九年總督范

承勳巡撫王繼文會疏題請改建於五華山與府學仍合一廟

雲南府志

富民縣學宮 在縣臥雲山麓舊無學附於羅次明萬曆四十八年

知縣韓位甫請專設學校天啓二年巡撫楊春茂題建移府學訓



導一員董之崇禎中設官建廟於郭外丁亥燬於兵清順治十八年知縣李展翮於縣治內西北建廟並啓聖祠康熙二十一年諸生楊繩祖等呈請遷於察院之廢署殿廡門坊一新四十七年知縣謝天麟復詳請改建今地雍正十二年知縣楊體乾重修增置祭器樂器雍正志嘉慶十八年學政顧菴知府景謙知縣葉申薌重修移櫺星門於泮池外較前更加壯麗咸豐九年因亂焚燬尙未修

建

光緒志

宜良縣學宮 在縣治正南雉山明弘治間始設學正德四年知縣

余志剛建廟於城西教場之左雍正志嘉靖三十四年提學僉事徐養

正重修萬曆六年督學僉事劉伯燮委知縣沈昌印改建城東北

天啓四年知縣楊述明遷今地宜良縣志清康熙六年知縣趙映斗教諭

馬任大建啓聖祠旋遭兵燬二十八年知縣高士煊教諭王佐才增修大成殿兩廡啓聖祠及左右齋房五十五年署縣黃澍移左丈許重建大成殿雍正十一年知縣朱千重修雍正志乾隆五十年知縣李純倡闔邑紳士改建於城內西北隅舊雉山書院之址五十年九月告成規模闊大壯觀瞻焉縣志

羅次縣學宮 在縣東北隅明萬曆二十一年巡撫陳用賓始請設

學遂於邑西北隅建廟年久傾圮清康熙六年知縣李瀨訓導陳

起鯤遷於縣東羅陽書院就舊宇修葺雍正志九年知縣馬光訓導王

勉修遷於明將軍府第羅次縣志三十二年知縣彭軌移建今地三十八

年知縣梁衍祚增修置俎豆樂器四十八年知縣謝增祚重修雍正志

乾隆三十一年知縣宋益金建泮池橋四十五年知縣姚炳重修

崇聖殿道光志自咸同間疊遭兵燹燬壞無存光緒七年知縣李清鑑

教諭楊徽烈訓導湯孫裔率紳士捐貲重建大成殿並築周圍垣

墻光緒志

晉寧州學宮 在州治南明洪武十六年建廟於州治北之陽城堡

雍正志正統元年學正楊茂詳請改遷於治南七年學正陳穀繼修成

化元年學正朱吉訓導林士雲復請增建日久傾頽知州許伯衡

重建規制井然雲南府志弘治十七年知州喻敬鑿泮池丁亥燬於兵後

署州錢象坤知州謝正及通庠重建康熙志清康熙六年知州王業厚

學正馮德禎重修二十二年署州王雋二十四年署州葉可尙相

繼重修府志四十一年知州秦采改建大成殿啓聖祠雍正志四十四年

署州翟枚吉建東西兩廡四十五年知州陳維顯建大成門五十

年知州徐克祺學正楊文徵沈繡龍建神器庫敬一亭五十二年

署州任中宜移文明坊為櫺星門門外鑿泮池池外樹壁左右建

道德二坊晉寧州志雍正十二年知州鄒永馥重修雍正志嘉慶十一年知州

許霖率紳士重修崇聖閣道光四年知州陳思慶學正杜南薰訓

導黃鳳彩重修明倫堂道光志咸豐兵燹被損後重修採訪

呈貢縣學宮 在縣治東北康熙志舊學在伽宗城明洪武十六年建正

統十四年知縣何溫重修案舊志作嘉靖二十二年何溫遷於學基之左弘治五年僉事趙烱遷於

北山之右萬曆七年奉文改遷城內呈貢縣志後知縣黃宇廖東晞重修

丁亥燬於兵康熙志清康熙二年知縣趙申禧仍遷舊基雍正志十二年署

縣何清訓導楊應先重修二十三年知縣沈增增建兩廡二十七

年訓導楊涓捐修大成門臺階甬道二十八年攝縣事徐斌復修



二十九年知縣魯國華次第修葺志府四十三年知縣劉世煥重建

規制悉備志雍正雍正二年知縣朱若功重修志縣九年教諭趙公亮重

修志雍正乾隆二十三年紳士重建大殿兩廡後宮大成門五十年知

縣李達重修櫺星門嘉慶四年紳士公捐建泮池虹橋十五年紳

士重修崇聖殿二十五年知縣趙懷鏗詳准以軍務支費餘銀重

修明倫堂道光五年紳士李維新移修照壁於街心之外六年紳

士公捐新建文明坊規模宏敞道光志咸豐七年燬同治十一年紳士

李汝霖楊源郭福成等稟請修建巡撫岑毓英撥給公款並倡捐

重修十一年經始光緒元年告成呈貢縣志

安寧州學宮 在州治北康熙志元大德六年建至元間宣威將軍達魯

花赤當道閻增建雲南府志隨因兵燬明永樂元年知州李智明重建宣



德中土知州董福海重修後復燬志雍正萬曆間紳士趙日亨建啓聖

祠天啓間署州鄧喜遇建石坊崇禎五年知州鍾萬璋學正黃金

鐘訓導楊有培重修又紳士羅大器修大成門丁亥復廢志府清康

熙八年知州張在澤學正張經世同紳士修建志康熙舉人陳蒙愈建

東廡志府十二年署知州鄒永馥重修志雍正三十一年知府張毓碧知

州張學聖署知州丁宗閔學正李鏡訓導段如蕙同紳士重修志府

五十五年知州陳夢瑛倡同紳士重修志安寧乾隆四十年新建文明

坊泮池月橋咸豐七年燬同治九年知州郭時郁率士民重修志光緒

祿豐縣學宮 在縣郭外西山麓舊無學附於安寧州明隆慶元年

邑人王昱始捐貲建學於縣治之北萬曆間燬於兵學道黃廷寶

守道汪克用遷建今地復爲土酋焚燬清康熙十一年知縣郭迪

隋訓導楊芳魁重建雍正二十三年知縣宋之偉訓導董天工率紳

士增建雲南府志三十四年訓導萬崇義率紳士製樂器祭器雍正二年

知縣魏寶國建崇聖祠五年教諭董昌鑿泮池十一年知縣陳齊

庶重修蘇志乾隆三年知縣杜最率闔邑紳士捐貲移建城內嘉慶

二十四年重修道光志道光二十三年知縣潘時惠率邑紳何太和捐

貲作大成門新建大成殿並東西兩廡月臺咸豐三年知縣周熙

有率紳士修建崇聖殿咸豐四年知縣彭衍墀率紳士重修同治

十三年闔邑士庶籌款拓地改鑿泮池移建照壁櫺星門道德二

坊並修葺大成殿東西兩廡文昌閣奎星閣明倫堂光緒志

昆陽州學宮 在州治南明永樂元年建於月山左弘治十五年災

正德二年知州林昕即慈照寺改建萬曆元年知州潘槐改建寶

山門外十三年知州紀汝中改建拱極門外李官村天啟六年知

州陶學修遷鳳儀山左崇禎七年巡按姜思睿建造新城署州事

本府通判王允中移建州治後旋遭兵燬清康熙元年知州童復

陞仍治舊城遂建於今地雍正志十一年知州張行學正金大印捐修

二十二年知州唐之柏建啓聖祠拓大城門外建文明坊櫺星門

三十年知州蔣廷銓學正盧先烈捐修雲南志五十一年署州劉自唐

拓址重建五十五年署州王克剛建東廡五十六年知州何天寵

建西廡雍正四年知州臧珊建大成門八年知州劉際平建崇聖

祠雍正志嘉慶二十五年知州王崧率紳耆移建州治西關外鳳儀山

下金碧丹堊煥然一新道光志咸豐七年燬光緒三年知州呂塘率邑

紳遲樂道徐燦遲元杰陳長齡重修道光志

易門縣學宮 在縣治東明萬曆二十五年巡撫陳用賓題建旋以

地勢卑狹改遷城南三十三年仍移於舊址康熙志天啓三年李應蕃

修葺崇禎四年署縣鍾萬璋新之清康熙二年知縣胡邦靖捐修

九年知縣何國祥案康熙志作李元祿訓導吳紹玉率紳士重修易門志三十四年知

縣姜其垓拓地重建雍正志邑人李迪簡捐建大成殿六十一年知縣

張鈞增修乾隆五年知縣高銓建崇聖祠八年建尊經閣十年建

泮池石橋十三年紳士董良材捐修月臺欄干龍版十九年地震

傾圮二十三年知縣王壯圖重修縣志道光十年知縣盛化振重建

道光志咸同年間疊遭兵燬光緒五六年知縣成占春率士民重建大

成殿崇聖祠並東西兩廡光緒志

嵩明州學宮 在州治北黃龍山雍正志舊在州治西元至正八年同知



阿羅哥室里蕩建雲南府志明洪武十九年知州趙幹幕戴俊民增建宣

德七年將仕楊榮重修嵩明州志嘉靖中知州狄應期遷於黃龍山右康熙志

萬曆七年知州甘芎移下十餘丈三十七年知州蕭昌復移故地

後兵燬四十一年知州余化龍遷於宗鏡寺前明末又燬遷於鳳

谿寺州志清康熙九年學正李攀龍建黃龍山左四十年知州馬絳

遠建啓聖祠四十二年知州雷御龍改建明倫堂五十七年知州

汪照建尊經閣雍正十一年知州張浩移建今地規制悉備雍正志軍

興折毀同治十二年知州陸紹孫率士民重修光緒志

大理府學宮 在府治南元至元二十二年參政郝天挺建元教授趙傳弼有創大理路

文廟碑記 詳金石考明正統間知府賈銓重修景泰間知府于璠增修大殿鑿

泮池祭器咸具成化十五年知府蔣雲漢製雅樂正德四年知府



吳晟重修功未畢知府周憲同知胡瀚成之殿廡櫺戟煥然一新  
十年地震殿廡傾圮知府梁珠修葺更闢地建尊經閣知府汪標

改建階庀門垣更鑄聖像嘉靖三十九年同知高鏞買地拓泮池

徙坊表明末兵燬清康熙七年知府萬邦和二十三年知府王興

禹相繼修葺然多未備二十九年提督諾穆圖參議道畢忠吉知

府李作楫同知傅天祥王文相通判黃元治知縣張泰交等倡議

更新總督范承勳捐助之正殿兩廡大成門迴廊啟聖祠金聲玉

振二坊置備祭器樂器工歌羽籥無不備具雍正志嘉慶二十年教授

劉麟玉率紳士等修兩廡大成門道光志咸豐六年杜文秀之變燬於

兵同治十二年巡撫岑毓英移建古報國寺遺址光緒元年提督

楊玉科捐貲落成巡撫岑毓英改建大理太和學宮碑記皇上御極之十有一年毓英奉命統師西征十  
一月督同總戎楊玉科等攻克大理次年克復順雲騰越各城遵旨暫駐大理籌辦迤西善後

事宜查亂離之後非輕徭薄賦不足以厚民生兵燹之餘非偃武修文不足以正民德榆城自杜文秀盤踞文廟書院考棚概經燬頽宜倡修以崇祀典仰副聖朝重道尊師振興學校至意於是會同總戎楊玉科觀察陳席珍傳集文武官紳公議將景東威遠耿馬釐穀尾欠用作修費尅期奏功一勞永逸善後之道莫先於此旋據地方紳士周榛等稟稱郡城文廟堂樹傾圮地勢卑狹鄉先輩擬改古報國寺遺址屢以經費不足寢議今烽煙永靖民獲再生兩學朽壞不堪修理且舊址爲倉獄所壓縣學尤爲湫隘懇請照雲南昆明台建大理太和廟學爲一詢謀僉同乃移建文廟於古報國寺寺即南詔所造僞府地當郡城中脈規模壯闊背枕蒼山面臨洱水升階而望海外諸峯聳秀拂青朝夕萬變堂哉皇哉一郡之偉觀也考諸府志大理有學始於漢元和三年至蒙氏嚴羅皮立文廟於國中段氏正淳求經籍於有宋用夏變夷其端已肇元至元乙酉參政郝公天挺建廟於府治南明嘉靖六年知府葛君恆又立廟於縣治東今改建書院處也其後屢修屢壞國朝康熙二十九年提督諸穆圖舍舊更新府學功乃告成夫諾公一武帥耳非有師儒之權表章之責也尙能尊崇聖教毅然以振興爲己任毓英忝膺疆寄不能救弊起衰於俗尙澆漓廟貌傾頽之後何以質先民而無愧也乎爰擇吉日鳩工庀材量地高下遠近繪圖授意修可百丈廣五百尺有奇其中殿廡門墀泮橋坊壁與夫啓聖尊經忠孝節義名宦鄉賢更衣致齋莫不葺布星羅秩然就緒然後周以複道繚以重垣飾以丹粉潤以金碧蓮豆羽籥琴瑟鐘鼓之屬無不具備是役董事則有大理府知府劉鳳苞太和縣知縣額勒金泰教授柳鏡清候補知府恆璋候補知州陸樹錕紳士周榛趙錫昌李光裕楊旭何暄黃培堉王澤新李庚吉張燧趙頤齡楊于湘李德徵等落成有日將行釋菜之禮適以秋闈在邇未遑蒞事乃拜首而獻頌曰維皇承運肇啓中興普天之下悉主悉臣茲茲杜逆敢肆憑陵旌麾所指妖氛廓清戎軒戾止周視巡行顧瞻文廟遺澤將湮是用祗懼相度經營有寺報國體勢崇閎背山面水蒼洱呈靈龜筮協吉士庶欣欣子來効順不日功成自茲以往文教昌明敦詩說禮勿墜典型聖有謨訓惕懷冰兢勿仲張盛獨享大名潤色鴻猷上答昇平處爲純儒出爲良臣曷哉多士謹布貞珉一又邑人前任禮部侍郎張灃卿重建文廟碑記一光緒二年春正月重建大理府文廟告成鄉人士仰廟貌之重新幸斯文之復振續述顛末於余並屬爲文以記之謹按大理故白氏國自元參政郝天挺建府縣兩學於郡治之南相距不遠有明因之國初經沙定洲之變燔燬靡遺後提督諾公鼎力興修凡殿廡祠舍無不具備惟地勢卑隘近倉獄先輩久擬改建古報國寺遺址以經費不足議遂寢至咸豐丙辰遭杜文秀之變兩學均破壞不可修補同治壬申冬中丞岑公毓英督師克復郡城駐節於斯閩郡紳士商酌聯名具稟請照雲南昆明將大理太和兩學合建於古報國寺遺址中丞親臨踏勘見地當上游枕蒼面洱較舊址十分雄闊遂准所請規畫既定擬提耿馬捐穀永北蒙化叛產變價銀兩以作修費鳩工庀材諏吉與役及岑公旋省正殿

大門均將告成大規已備嗣以款竭停工至乙亥春楊公玉科旋檢陞任提督闔郡士庶請作將伯之助以成其功楊公知地方瘠苦且兵燹之餘無款可籌遂毅然引爲己任時觀察陳公郡守毛公協力贊成剋期興工共建大成殿東西兩廡大成門櫺星門名宦祠鄉賢祠致齋所更衣所泮池照壁兩柵後建崇聖祠倉聖宮殿角建祭器庫樂器庫左建道義門明倫堂旁修正殿學署殿下丹墀拜臺欄杆地磚修治整潔並引水九曲環繞殿廷流入泮池鉅製宏規於斯大備湖自丙辰遭亂祀典之替歷數十年矣迄今巍然者殿翼然者廡宮祠齋舍庖廡之所無不秩然有序煥然一新夫諸公修於承平之日易兩公建於兵燹之餘厥功不尤偉哉且兩公旣爲吾邦人奠其身家復爲吾邦人廣其教澤後之身列膠庠者仰宮牆之美富挹芹藻之馨香處爲名儒出爲名卿應無忘此始基也已

爲記 光緒志

### 太和縣學宮

在縣治東明洪武二十七年建

康熙志案府志作嘉靖六年知府葛恆建

景泰六年

御史王驥副使周鑑知府于璠重修

大理府志

正德二年巡按陳天祥知

府吳晟以規制淺陋易民居拓之建後堂號舍嘉靖元年副使姜

起龍建尊經閣

康熙志

六年知縣侯問建大成門

府志

隆慶六年僉事陳

應春知府史詡鑿泮池

康熙志

清康熙初教諭周祖羲重建啓聖祠二

十九年通判趙之藺重修泮池周以石欄

府志

三十一年提督諾穆

圖參議道畢忠吉重修並製祭器樂器雍正八年至十二年知縣

羅忻駱大鵬唐世梁先後重修志雍正道光六年重修大成門志道光咸豐

六年杜文秀據城廟宇坍塌同治十二年巡撫岑毓英籌款與府

學合建一廟改縣廟為敷文書院志光緒

趙州學宮 在州西鳳山之麓明洪武十八年建於治南正德十年

知州王宗器增修清康熙九年案府志作十一年署州李曰生案府志作王秉坤請改遷今

地志雍正十一年永昌道李騰龍知州劉德溥率紳士捐建大成殿大

成門兩廡十四年築露臺鑿泮池豎櫺星門三十一年知州陳光

稷同知易枚學正李北有提督諾穆圖各捐建文明坊及金聲玉

振坊移明倫堂於左以明御史鄒堯臣大廳為講堂環築宮牆照

壁五十年案雍正志作五十二年署州張倫至率紳士改建崇聖祠知州陳士昂

續修石台九加丹堊雍正六年案雍正志作八年知州史增儒學司鈞洪梓芳



率紳士重修明倫堂義路禮門十一年

案雍正志作十二年

知州程近仁率紳士

重修大成殿東西兩廡大成門文明坊十二年八月山水暴發衝

圮重修泮池泮橋

趙州志

同治八年城陷焚燬十二年知州譚席珍率

邑紳詳請籌款移建於城內州署舊址巡撫岑毓英撥公款七百

餘金捐廉二百五十金提督楊玉科捐米三十石新建大成殿東

西廡大成門櫺星門尊經閣光緒九年知州史建中學正徐潤訓

導楊源率邑紳築東西宮牆建禮門義路二坊

光緒志

雲南縣學宮 在縣治內洱海衛左明洪武十八年建於縣之南郭

成化五年御史郭瑞按察使曾景遷入城內今地命指揮董其役

案府志作弘治五年知縣陳輔遷建

萬曆間知縣劉延齡重修

雍正志

兵備李先著邑人史旌賢

指揮陳守爵黃紳知縣龍一蘭修

雲南縣志

清康熙十一年知縣徐芳昇



及紳士重建奎星閣三十九年知縣王書重修雍正十三年知縣

李家俊重修雍正志知縣王璐重修乾隆二十九年教諭馮翊漢典史

邱俊岐捐修縣志咸豐元年大成殿燬知縣張同登率士民重修七

年城陷折毀光緒二年知縣鳴泰教諭李澂訓導姚士玉率邑紳

重修光緒志

鄧川州學宮 在城南門內州凡數遷學亦因之元代建於中所會

真寺後明洪武十七年遷於玉泉鄉成化三十二年巡撫郭紳遷

於象山之麓崇禎二年知州徐保泰遷於頂聖山距城五里荒僻

傾圮清康熙二十六年知州何琛學正周道治訓導段縵遷於今

地知州張建德李毓元施震先後重修并建東西兩坊雍正志後為溪

水冲圮乾隆十六年知州蕭克峙始遷建於州治後朱鳳岡之坳

道光三年署州李文培捐修鄧川州志今仍舊光緒志

浪穹縣學宮 在縣治西山之麓明洪武十八年知縣金文舉建於

分司署址弘治五年參政毛科遷今地歲久傾圮雍正志萬曆八年知

縣陳橙改建崇聖祠尊經閣大理府志清康熙元年知縣羅時昇重修二

十四年知縣吳一鷺建雲路坊雍正志二十八年知縣趙琪教諭張端

亮訓導劉發祥重修二十一年通判黃元治新造神座並增拓左

右兩翼府志雍正十三年知縣吳士信重修雍正志乾隆二十九年三十

年署知縣胡璟徐沅先後修理四十五年知縣韓騰增建省牲齋

宿二所道光志道光十一年闔邑增修倉聖祠至咸豐六年杜文秀之

變折毀殆盡今闔邑士民重修光緒志

賓川州學宮 在州治西明弘治七年建嘉靖二十年知州吳仲善

重修清康熙十二年學正繆炎重建啓聖祠雍正志三十九年知州耿

宏祚重修兩廡大成門泮池櫺星門金聲玉振坊道光志五十一年知

州翟國恆重修雍正志雍正三年添建崇聖祠乾隆五十一年知州魏

玲重修嘉慶十八年地震櫺星坊圯知州吳樹恆重修道光志咸豐六

年杜文秀之變燬於兵光緒四年知州傅鳳颺孫紹曾率紳士先

後重修大成殿崇聖祠東西廡大成門鄉賢祠名宦祠籩豆所齋

宿所櫺星門金聲坊玉振坊泮池照壁圍牆規模大備煥然一新

光緒志

雲龍州學宮 在州治西北德龍山之左明萬曆四十二年巡撫周

嘉謨題請設學天啓四年知州周憲章始建廟於三七舊治崇禎

間知州錢以敬遷州治於雅馬井清康熙三十四年知州張漱卜

遷今地規制未備四十二年知州顧芳宗重建雍正十年知州徐

本遷重修并同前知州錢恆捐置祭器樂器雍正志乾隆四十三年學

正艾馨重修嘉慶九年知州王拭倡捐重修遷照壁濬泮池並建

青雲橋道光志同治三年闔邑士民捐貲修補光緒志

臨安府學宮 在府治西元至元二十二年宣撫使張立道建泰定

二年僉事楊祚增建至正十年平章汪惟勤繼修明洪武十六年

設儒學廟因之二十年通判許莘重修規制始宏敞宣德間知府

賴瑛建尊經閣雍正志天順六年知府王佐築杏壇射圃成化四年知

府周瑛鑿泮池十五年副使何純知府薛昌重修臨安府志弘治九年副

使李孟暉知府陳盛置樂器十二年副使王一言知府王資良鑿

泮池嘉靖十年副使戴書建啓聖祠二十年副使蔣宗魯建名宦



鄉賢祠萬曆三年知府昌應時建雲路坊康熙三十年教授胡金耀

造祭器志府三十四年地震傾圮巡按周懋相會巡撫陳用賓分巡

參議康夢相重修康熙志明侍郎郡人包見捷郡城修學記臨建學在府治西山秀而水清蓋自我高皇帝

桂茂來守是邦甫三日郡地大震壞公私廨舍無算即於露寢盱食中拊循災民衆志已定因條奏復修學宮狀上於督學范公允

臨轉聞蓋穆然有鍾離甘棠之感焉已侍御周公懋相按部臨郡祇謁先聖愀然動容謂風俗之道養士爲先而廟學彫敝若此提

衡卽有司存迺使者奉璽書實綱紀之作人謂何遂慨然以葺新爲己任而監司康公夢相復相贊決謀之大中丞陳公用賓適與

保釐右文之意叶僉發贖鏹帑錫合之得一千三百有奇乃下所司權材計程鳩工揆日董之以經歷袁鴻漸千戶王繼志而守梁

君躬爲督視倅宣化許君理句曲許君暨州守資陽馮君時勸課之於是廟廡堂齋門庫祠閣號舍綽楔射圃以次更作而敬一亭

五楹尤增所未有兵憲龔公雲政新其綽楔曰盛世人文熙朝道化而廟學落成是役也肇始於秋八月迄冬十二月而竣易材如

其市鎮公如其私大小樂從於農隙經費無煩於公帑斯亦事之難也已梁君以侍御公命屬余爲記余惟學之制詳於虞夏殷周

道尊於孔子然要在教之德行道藝以與其賢者能者故曰先王所以陶鑄天下津梁萬物者莫先於學又曰學者殖也自世遠道

湮經生學子競斧藻工鞏悅唯功利是圖究使論世者以庠序爲虛器師弟子爲虛名甚激而有兔絲燕麥南箕北斗之喻豪傑長

太息焉臨安故甯町國遭際聖明道化翔洽人文蔚起一時稱爲滇南鄒魯斯亦芟荆棘以通達耀姿竇以白日也頃自地震告災

一郡國之學致諸大夫蒿目而規畫殫心而拮据於今棟宇有抗丹腹適新禮器在陳金絲可聽青衿之士靡不忻忻色喜以獲遊

其學爲幸則豈一趨踰一弦誦之爲兢兢哉無亦被濯旃策之以自新其學釋程范兩大儒之箴以仰體皇祖敬一之心法敦倫以

範俗宗經以證聖一洗夫晚近之陋習處爲真儒出爲名世於家爲孝子於國爲忠臣而所稱讀聖賢

書而爲賢者能者是孔子之徒也雖謂虞夏殷周之心至今存可也斯無負興學章軌之盛舉也哉

崇禎十六年

知府丁序琨知州劉億重修志府悉燬於兵清康熙十二年知府程



應熊修建尊經閣明倫堂

志雍正

二十二年知府黃明重修於東廡瓦

礫中見石摹聖像恭移於尊經閣二十九年陞川東道知府黃明

同署府事丁燁知州朱翰春始鑄祭器五十一年知州祝宏移建

齋宿亭

志府

五十三年知州陳肇奎修泮池雍正四年知府栗爾璋

建太和元氣坊十年知府石去浮知州夏治源教授夏冕同郡紳

蕭大成捐置樂舞器

志雍正

乾隆十六年學正楊元亨同紳士修泮池

二十九年教授董聰同紳士建禮門義路石坊三十七年知府永

慧知縣周鑑同紳士重修大成門四十三年知府盛林基同紳士

重修洙泗淵源坊五十年知府何敏知縣周恭先同紳士重建櫺

星門五十七年總鎮定柱復杏壇舊址知府張玉樹同紳士重建

德配天地道冠古今坊聖域由茲坊賢關近仰坊清泮池侵佔復

舊規六十年知府江濬源同紳士於泮池周圍繞以垣牆豎聖域  
賢關二坊匾額內外煥然一新志府嘉慶九年江濬源復建大成殿

十五年知府王善塏率紳耆重建崇聖祠十八年知府何南鈺建

大成門金聲玉振門道光二年紳士等復建齋房志道光規制宏敞金

碧壯麗甲於全滇光緒六年邑紳劉鴻陽劉家祥倡建思樂亭於

泮池之中央并修補碑亭櫺星門圍牆志光緒

建水縣學宮 附府廟明初原無州學萬曆四十三年知州趙士龍

請於巡撫吳應琦題設州學仍附府廟志雍正清乾隆三十五年改州

為縣學如舊制今仍舊志光緒

石屏州學宮 在州治東元至正間建燬於兵明洪武二十二年重

建志康熙正統五年學政王驥景泰間知州任斌重修志臨安萬曆間知州

蕭廷對建尊經閣天啓五年久雨大殿傾仆署州顧慶恩拓地重

建清康熙八年知州劉維世建櫺星門四十年知州張毓瑞重建

尊經閣四十五年知州劉承啓重建啓聖祠雍正元年闔州紳士

重建大成殿兩廡義路禮門坊雍正志乾隆十五年知州王尙楫改櫺

星門爲磚房二十四年知州管學宣率紳士重建明倫堂石屏州志五十

年闔州紳士重建崇聖祠翼以兩廡重修尊經閣改建明倫堂於

學署之前府志嘉慶四年地震署州李青雲請帑率紳士重修道光志軍

興以來丹墀石欄及兩廡均折毀光緒三年諸生王壽慶倡修光緒志

阿迷州學宮 在州治東北明洪武間建於城東門外雍正志正統十六

年知府余文正通判彭善道知州張安繼修臨安府志嘉靖間署州同知

鄺民望遷於城北守備司署左康熙志萬曆間州同石榛再修府志後兵

燬清順治九年重建雍正三年知州元展成改遷今地五年知州

毛振翮重修雍正志乾隆三十五年知州趙希元同闔州紳士建文明

坊府志咸豐七年軍興多被折毀光緒八九年闔邑士民重修光緒志

寧州學宮 在州治東明洪武二十六年建康熙志萬曆六年同知楊浚

重修正殿東西兩廡大成門櫺星門騰蛟坊起鳳坊雲路坊泮池

明倫堂東存心齋房西養性齋房儀門大門古今圖書集成萬曆間知州王

茂錫重修明末兵燹傾圮清康熙五年知州嚴敬建啓聖祠十二

年署州王存育建明倫堂五十年學正王清賢建櫺星門五十六

年學正任瑛修兩廡及大成門雍正十一年代州事戴允成教官

朱掌珠張士喆增修大成殿雍正志乾隆十年重修大成殿泮池建太

和元氣坊三十八年重修兩廡五十五年重修大成門建義路禮



門二坊庖湍所齋宿所臨安府志道光十五年闔邑建尊經閣於文廟後

光緒志

通海縣學宮 在縣城南門外秀山之麓明洪武二十五年知縣任

遲即廢寺創建弘治十七年知縣余人俊拓基重建殿廡門坊樓

閣祠堂悉備歲久傾圮清康熙二十九年知縣魏蓋臣重修雍正志四

十二年教諭李含和建江漢秋陽金聲玉振二坊雍正五年訓導

何宗美濬泮池臨安府志十一年知縣臧在莘署縣丁泐同闔邑紳士蔣

瓚等拓基重建大成殿崇聖祠乾隆元年丁泐建尊經閣雍正志（督學吳應枚重修

通海縣學宮記）歲壬子余奉命督學滇南癸丑蒞任徧徵邇東西凡學宮應行修舉者悉令開報設法釐整以仰副聖天子崇儒重道之盛心經過地方必親加相度務期完固永久毋取粉飾一時仲秋按試臨安道由通海齋肅詣學周視大殿規概僅存兩廡

詞字不免風雨剝蝕而服弊服坊石服采迄無一就詢厥所由皆因本學既鮮諸費是邑又地瘠土貧遂致因循廢事瞻拜之日

踰焉久之爰集闔邑紳士再三勸導率先捐俸以為之倡是邑向有紳士優免一宗奉文均攤紳士環請捐輸以助修葺余旋代白

新纂雲南通志

卷一百三十二

學制考二

六



乎大改舊觀仰而瞻則雲縹霧棟秀山環峙儼若列屏也俯而眺則繁階繞砌北海澄泓宛如襟帶也東白馬西黃龍兩坊遙聳隱有拱揖之勢舉山川靈淑之氣鬱鬱蔥蔥於斯蒼萃歷覽全演學宮形勢之勝殆未有過之者余於是顧而喜喜而不禁期望之轉殷也夫是役之興功成迅速且不難改轍易轍取舊制而光大之諸生沐聖朝培養久矣茲者仰宮牆之峻整瞻坊表之聿新可知因循廢事等於暴棄繼自今共相奮發振荒廢之頽風勉於鼓舞作新之化釋椎魯之舊習澤以詩書禮樂之華行見鐘鼓式靈人

文蔚起於以敦崇正學黼黻休明庶不負余嘉與維新厚之望也諸生勉乎哉

二十八  
年知縣朱陽重修四十四年教諭王

恭極修兩廡四十五年知縣周枚修戟門四十六年知縣韓培修

大成殿及兩廡四十九年知縣陳朝書移尊經閣於書院之後五

十三年知縣孫峻德修大成殿及啓聖宮五十四年地震坍塌五

十五年知縣孫峻德重修六十年知縣洪文詒重修道光道光六年

邑紳重建東西兩廡增修大成殿光緒五年闔邑士庶重修文明

坊光緒志

河西縣學宮 在縣治南元泰定間建於縣東北一里下村古城明

洪武二十九年重建嘉靖十二年知縣吳紹祖改遷今地三十一

年兵備道蔣宗魯重修歲久傾圮康熙志清康熙二十二年重修臨安府志二

十四年知縣楊汝楫訓導嚴以恭修葺康熙志雍正四年署州王潞同

紳士增修府志七年知縣戴允成重修置祭器樂器雍正志乾隆元年易

戟門為文明坊創崇聖殿於舊啓聖門後增修舞臺丹墀泮池二

十四年知縣蕭思濬重修四十八年教諭許敦元率紳士重建大

成殿大成門道光元年知縣黃觀雲捐廉重修崇聖殿二年署縣

龔正謙率紳士增修豎石表於文明坊外續河西縣志光緒七年邑紳楊

汝瀾楊鍾斗重修光緒志

嘗義縣學宮 在縣城北明洪武十五年建於東門內嘉靖三十四

年知縣邵元善重修臨安府志天啓七年知縣蔣恆盈移建今地清康熙

三十四年諸生楊文緒等修大成殿雍正十三年知縣劉公鼎教

諭楊天培吳懋才同紳士重建崇聖祠增修大成門

雍正志

兵燹後大

半毀壞復因光緒七年河水泛溢牆壁傾圮闔邑士民捐貲重修

光緒志

蒙自縣學宮

在縣治東明洪武二十七年建

古今圖書集成

景泰間知縣陸

剛修臨安府志成化十九年訓導趙子禧修嘉靖元年本府推官江魚改

修古今圖書集成嘉靖間都司石邦憲知縣龍恩重修隆慶間知縣錢邦僞

濬泮池壘土為三山萬曆間知縣陳汴建崇聖祠教諭朱良用建

尊經閣縣丞車輅郡人尹建俊修兩廡歲久傾圮清康熙九年知

縣羅鉅璘修兩廡府志二十年知縣孫居湜修建大成殿二十二年

重修古今圖書集成三十三年知縣陳志友修大成門建德配天地道冠古

今坊五十一年教諭侯以璋重修堂廡門庫及育賢館府志乾隆二

年知縣秦仁重建崇聖祠十年知縣吳夢旭同紳士重修三十年

知縣歐陽飛重修四十六年知縣楊大觀重修崇聖祠尊經閣道光志

楚雄府學宮 在府治東明洪武十九年建成化六年巡按郭瑞參

政顧學遷於城東隅弘治十六年知府朱繼祖建號舍同知曾顯

建講亭嘉靖六年知府祝宏舒仍遷於府治東舊址康熙志萬曆九年

知府張廷臣十五年知府黃大年相繼重修十八年兵巡道楊寅

拓地增修二十三年知府楊秉越重修楚雄志明末燬於兵清康熙六

年知府史光鑑修葺十九年地震崩圯二十二年知府牛奐重修

康熙志（督學鄞縣謝子道重建楚雄府學記）滇省幅員數千里楚郡適當其中東接會城西距大理北抵川蜀南控交緬滇省有事則楚雄被累較他郡為甚以故蒞茲士者守禦撫治之是亟而於文教視若緩焉今天子神聖自削平逆亂來全以文德懷柔

中外詔所在修葺學宮備禮樂器所以崇儒重道興起教化者無遠弗屆先是楚雄屢遭兵燹繼遭地震學宮傾圮殆盡郡守牛君承天子德意首捐貲建修越三年落成殿廡門坊堂閣齋所煥然復舊乃依古制製造諸器俎豆于成咸備俾諸生以時肄習彬彬

然文教復興矣夫學宮之設非徒墜茨丹雘享祀春秋循典故壯觀瞻已也尊聖人之道重人倫之制廣王者之化育天下之才皆於是乎在故學校之法與則聖道明而彝倫敘王化行而人才出登其堂有金石絲竹之聲見其人有禮樂雍和之氣歲時伏臘飲



酒讀法爲士者稱先王之教以爲齊民倡雖武夫悍卒頑梗不率之徒誘以揖讓導以雍容則靡然從風樂效而不倦蓋其上易以爲治而其下易以成俗皆賴之乎學校也如其不然籩豆在列而器數之不知簞屨在懸而節奏之不辨喬鄙成風經術鮮效又安以學校爲哉楚雄土瘠民貧且弱值戎馬搶攘之後人多舍詩書而力耨鋤即或有志之士亦因類俗成風苟非上之人愛養之陶淑之鼓舞其志振作其氣學校之盛未可易幾也今牛郡守賢者也其爲政不尙繭絲毛鷲之術一以禮教化其民者首取學宮而修之不以軍興旁午爲艱不以時誦舉贏爲慮畢志經營厥成盛事可謂知所急務矣且從來瘠土之民易於爲善用其俗之樸而迪之以進德修業則教易入而其成也敦固而不遷誠因學者之修進其學之子弟而愛養之陶淑之爲之寬科條以復其身爲之優禮貌以浹其情爲之勤課會以勵其文爲之別勸懲以端其習郡學所以教者如是行之州邑亦莫不如是焉且率一郡之官帥皆知愛養陶淑以教其子弟而其子弟相率而安於愛養陶淑之中訴訢侃侃家絃口誦之風可立而待其成也將見天子清問吏治民風而楚雄在萬里外獨以文教著處有名儒出有名臣雖昔之鄒魯今之吳越未能或先已昔漢時橋門觀聽縉紳動色番吏武卒莫不受經史誇其美此特在京師而然今楚郡能以聲名文物振於邊陲四方聞風轉相則倣向之恃僻陋阻聲教彝方荒外之區觀鐘鼓管絃之盛莫不奔走求附庶幾所謂詩書千櫓俎豆折衝者儼視楚爲巨鎮焉夫蓋不以武備勝而以文事勝也豈不盛哉

二十三年楊毓秀重建萬世

宗師坊德配天地坊道冠古今坊二十四年教授段繹祖捐建齋

房大門道義門四十六年知府盧詢捐修志府四十八年知府梁文

煊重修殿廡門坊一新五十四年知府張嘉穎重修志正雍正六年

督學鞏建豐捐修乾隆四十年知府孔繼炘重修五十年知縣周

名炎重修楚雄志咸豐間燬同治八年邑紳李維述重修殿廡光緒七



年教授楊紀元教諭李運新訓導全盛時錢學謙率邑紳重修

光緒續志

### 楚雄縣學宮

明永樂元年楚雄府言所屬蠻民不知禮義惟楚種

賦性溫良有讀書識字者府州已嘗設學教養其縣學未設縣所

轄六里楚人過半請立學設官訓誨從之

明史上司傳

舊在府學左明弘

### 治十七年知縣范璋建

明提學江西彭綱遷建楚維縣學記一我國家全以孔子之道治天下故凡有郡縣處無不屋以祀之王以尊之而其民雖洞居岩處莫不願子弟習組豆親紘誦也

於此見國家之化大以遠夫子之道久而彰弘治癸亥秋八月楚雄縣新學成初舊學在城西山麓以其僻也弘治三年始遷入城內即廢尼寺為之然地勢陔陀殿堂卑陋非王祀夫子之所而生徒業且不昌弘治辛酉知縣范璋由冬官主事來蒞縣事大懼弗

稱以墜教基乃進師生父老究度謀詰得今址於楚雄衛治之東南豐衍端彝實興賢之所於是知府梁宇同知陸紳指揮使王鑿等咸協謀范君遂請於巡撫御史四會林君得報如所擬今知府朱君維祖適來益銳建學於是巡撫右副都御史陳公巡按何君

僉事都君各以其贖錢之在官者移而助之乃買地除址鳩工庀器土木金石以次而舉范君實董之分其址為三區中區正北為大成殿凡六楹祀夫子及四配十哲翼殿東西為兩廡各十三楹祀諸賢及漢唐以來諸大儒殿以南為大成門益南為櫺星門各

四楹東區正北為明倫堂凡四楹翼堂東西為兩齋曰進德曰修業各四楹東西齋之南為諸生肄業號房各七楹堂迤南為二門益南稍西為前門各四楹中區之南大成門之前為東西兩角門以通堂圍凡師儒廡舍諸生會飯治牧之所與夫鐘鼓几案莫不

完具為輪凡六十有六步為廣凡九十步有奇櫺星門之南為大路東西為兩廡亭東曰儲材西曰成器路之南有渠若泮然截渠而橋曰泮水橋廟宇既既階序秩秩新宮孔嚴表於厥邑於是春秋釋奠朔望謁拜而軍民俊秀望門牆而趨走者濟濟相屬噫亦

美矣是役也財出於官帑者什七出於諸君范君之節縮者什三工出於僱募力出於軍民之趨事經始於辛酉三月至是工訖其文學孫璋請余記之嗚乎夫子之道如天地日月毋容言也孟子曰知者無不知也當務之為急興學校陳文教非急務與楚雄治

兼鑿爨欲使其人知孝弟忠信革其悍猛好鬥之俗而為良善非學奚以施之此誠知先務者與抑事有以改革釐正而人心憤發振作頓倍於前使數為之改氣為之倡理勢然也今而後楚士不有感新學之作而爭自磨洗去舊從新飽經飲史卒由孔子之道出而與中州士抗美者哉諸士子其勸之朱君前知廣西府以課最遷今郡范君以忤權貴得外謫之榮其為政皆有稱云

外鳳山之麓明末沙賊焚燬附於府學

康熙志

鎮南州學宮

在州治南明永樂七年建

案大政紀載永樂五年建鎮南州學

嘉靖四十四年

知州區元晉

案州志作溫元晉

改遷城東

康熙志

隆慶二年知州黃袍仍遷舊地萬

曆三十三年署州事何居毅重修兼設祭器崇禎十五年生員王

天龍再修復圮清康熙二年知州彭程漢重修大成殿櫺星門兩

廡土州同段光贊重修文明坊七年知州卞廷松學正夏允中率

矜士重修啓聖祠明倫堂

鎮南州志

十九年地震傾圮二十二年知州岑

鶴重修

楚雄府志

三十六年署州謝震製祭器四十二年知州陳元建兩

廡雍正十二年知州王志曾重建崇聖祠

雍正志

乾隆四十七年知州

韓培改建於州治東嘉慶十九年署州洪其照復改建州治南舊

址二十四年署州郭安齡增修泮池學橋道光志咸豐六年燬於兵光

緒元年巡撫岑毓英捐款興修二年知州趙鶴立率邑紳修補四

年知州易為霖重修光緒志

南安州學宮 在州治東明洪武二十七年建成化間知州蹇蕙增

修弘治間知州譚仕榮增修萬曆五年知州尹理鑿泮池十三年

知州李翹建尊經閣古今圖書集成二十五年知州林繼志重修二十九年

知州雷鎬重修四十八年闔州紳士建文明坊崇禎間知州王學

濂復修後兵燬清康熙二年知州李毓芳捐貲重修工未竣分巡

道張道祥捐貲率紳士重修八年知州米璋學正李納續修十九

年地震傾圮二十一年知州唐知柏學正黃應泰建啓聖祠二十

二年知州周爰修葺南安州志二十七年署州周蔚造祭器四十七年知

州張倫至建文明坊雍正十一年知州孫必榮學正黃茂穎重修

增置祭器雍正志乾隆三十九年重修道光志咸豐年間燬於兵光緒元年

巡撫岑毓英撥款檄邑紳王肇修重修工未竣五年知州魏廣心

重修光緒志

姚州學宮 在府治南明永樂元年建案古今圖書集成載舊無學附姚安府廟嘉靖中知府王鼎

吳嘉祥楊日贊相繼建堂齋門舍鑿泮池二十八年知府趙澍建

啓聖祠萬曆十七年知府周希尹建尊經閣康熙志二十九年知府楊

應需重修四十七年分守道李忠臣移明倫堂於尊經閣前移文

廟於明倫堂前祭器經籍皆備後燬於兵清康熙五年知府林本

元教授王肅重修二十二年署州王治國葺廟廡立坊表二十九



年知府丁燁知州胥琇增修五十年知府王廷琦知州管掄重修

乾隆十一年知府施坦知州丁士可重修姚州志三十五年姚安府裁

即以府學為州學道光志道光十年楚雄府知府裴驄知州額魯禮學

正李雄飛重修殿廡大成門二十四年知州吳嘉思擴修崇聖祠

咸豐六年杜文秀之變焚燬同治十一年官紳捐修大成殿崇聖

祠重建兩廡大成門照壁光緒五年學正張敬倡捐重建明倫堂

修補大成殿七年捐置兩廡神位九年知州易為霖重修大成殿

光緒志

大姚縣學宮未在城內東北隅明嘉靖二十五年知縣王佩建於治

後崇禎間知縣陶學改遷於城西雍正志清康熙三十年知縣孔貞瑄

重修古今圖書集成五十年知縣陸應幾同紳士移建今地雍正志乾隆二十二



年闔學紳士捐貲改建於城北高峻之所規模宏敞廟貌維新

道光志

咸豐七年杜文秀之變折毀殆盡同治十年總兵楊玉科籌款付

大邑紳重修未經落成

光緒志

廣通縣學宮 在縣治東明嘉靖二十五年知縣吳習建署縣事吏

自劉名弼知縣李第相繼告成

(明提學張佳胤創建廣通縣學記)國家略定南中議禮制度建學張官聲教四達楚雄屬邑曰廣通縣者故無學士皆附郡學云國家

垂二百年來教化淪被人士蒸蒸相望皆言附他學不便先是知縣吳習從生員王化輩請壽上議當途可之出帑藏若干緡蚊邑之士民所輸者易士舍隙地建明倫堂東西齋大門二門規制草備會吳尹遷去廢閣經年嘉靖丁未李公來尹茲邑歎曰凡建學

者非為血食夫子與其諸弟子哉不首廟庶而急所可緩譬治家者先寢處而略家廟豈理哉公意雖甚毅邑事故簡帑無羨鏹又切循拊不欲勞民乃捐俸先倡邑之人士感激公義各輸助有差計得二百餘金諸所不給公多注措經營盈縮如治其廬先文廟

次啓聖祠兩次廡次戟門次櫺星門次泮池次敬一亭次聚奎樓他如廚庫省基供案几筵靡不畢舉工告成前學使胡公堯時請兩臺疏入得設官如制云余嘗考先王之制因五方異俗立胥象鞅譯之職然後遠民安業而司徒之教興焉修明齊一有物上崇

簡誦有等春夏秋冬有術乃論秀而升於天子宜古之才彬彬然盛矣按廣通本西南微外路瞰地前代自為聲教各以兵力相雄長無禮樂絃歌之化所謂五方中之雕題者非耶今廣通之士前後舉制科者四前後貢者五倍之見為學宮弟子者二十倍之而

巽序歸如游息有所日出而鐘鼓和鳴師儒揖讓陳說先生之教趨踰仁義之途使椎編之民環視踴聽共被華風伊誰之力哉余行部廣通見學舍炳麗特異他所初不知建學自公始因求建置無記師儒遂以記請嗚乎自建學至今幾二十年邑之藉是稱士

者若干人何當時踴躍請建於前卒不能伐石以記胤置者之本末於後乎董子曰正其誼不謀其利此千古士則也余方以名檢磨礪士子豈宜不達建學本意而重負余教哉李公名第字道升別號三谿四川銅梁人余之先生也令廣通九年有惠政遷阿迷

州守尋  
致仕歸

萬曆中署縣事順州知州吳思溫鑿泮池推官鄧林復置石

坊後流寇焚燬清康熙元年知州楊象乾草創三年知縣張京魁

增修康熙志十一年知縣耿歷啓補葺楚雄志五十四年知縣劉淑教諭樊

於升訓導黃廷雋同邑紳士重建大成殿兩廡雍正十一年知縣

楊登重修雍正志乾隆三十九年署縣楊奎率紳士捐修嘉慶十一年

教諭李朝陽率紳士增建尊經閣道光二年知府王汝珽署縣周

祐廷教諭趙廷相典史李日融捐修道光志咸豐十年燬於兵同治四

年知縣左維琦率邑紳重修大成殿東西廡櫺星門光緒志

定遠縣學宮 在縣治東南康熙志明嘉靖二十六年知縣沈和詳請督

學胡堯時建古今圖書集成（明修撰楊慎定遠縣儒學記）雲南楚雄府屬曰定遠舊未有學也提學副使仰齋胡公建議請於朝始命建學盛舉也經始於嘉靖二十六年孟秋釋菜於二十七年長至學成宜有記縣

之官司請於胡公公乃猥以愼嘗從事秉筆後屬為記之愼參按圖經域志定遠在漢為越巂郡地三國時諸葛忠武侯征南中營於此唐武德中置西濮州貞觀初更名壽州後謁稱率州宋世淪於段高二僭彝至元立率州千戶至正改為定遠州本朝因定遠

之名而隆州為縣百七十年而始建學皇明文治之遙聲名之盛多士生斯時斯地亦厚幸矣嗚呼漢之斥土名取越藩者以斯地實越藩水以彰休盛然特以辟土服遠言耳國家以綱常為治禮樂為教雲南雖去神臯萬里而氣厚風和君子道行已於洪武初元榮被天官之興矣咨爾多士涵泳聖澤豈可憊彼自棄乎矧繁濮之名已見牧野其歸仁濟化已兆於武王允清之世而武侯之過化則澹泊明志之真道寧靜致遠之心學諸士子獨無興起乎夫學亦多說矣肇始於六經發揮於諸子更僕未可終而走也獨

舉武侯澹泊寧靜之一言者以古者建學立師必本其地望希賢懷古恆首其儒先武侯之在定遠固名宦之稱首巨擘亦後學之指南元龜也藏焉修焉息焉游焉亦可為成人矣由是而之焉以希聖敢謂無其人乎敬書以俟若夫建學著與有勞者皆列其名

衡於碑之陰 署縣劉名弼知縣謝表越民表相繼告成康熙 清康熙十年知

縣黃朝彥重修十二年知縣田元愷繼修二十四年知縣曹振邦

重修拓地建尊經閣定遠縣志 四十一年知縣張彥紳鑿泮池雍正十一

年知縣唐世梁重修雍正 乾隆十三年官紳重修道光 咸豐七年燬於

兵光緒三四年知縣馨德籌款率邑紳重修光緒

澂江府學宮 在府治東玉笥書院舊址元大德間總管魁納建於

金蓮山麓明正德十二年知府童璽改遷陽浦山麓明通判晁必澄遷澂江府學宮記 澂江儒學在

金蓮山巔山去閩關高數百尺觀覽者咸以為非宜今守閩之連城童氏璽再徙郡治於郡東普照寺更念學宮當改圖遂即舊治址建為學宮運斧斤旌勳聖次第新之經始於正德戊寅冬落成於庚辰季春仍以舊學改前為仰山書院後為仰山祠以祀鄉賢

名宦義余誦梓茲郡今再臨府已易地學復改爲新厥觀焉守以記請余按元至元十九年夏四月命雲南諸路皆建學以祀先聖  
激之有學始此我朝洪武十四年取雲南明年建置諸司設學校宣德庚戌學修於知府白永年輩正統七年又修於知府王彥平

今復有茲役蓋自有學以來修者不數人乃知留心教化者其亦相望希闊耶爲有司而不知崇學校興教化是之謂俗吏守知所  
舉其賢於人遠矣嗚乎不以學校爲急務者有司之責也有學校而不能藏修以待用者非諸生之責乎凡學宮之修非直事粉飾

以求美觀而已將以造就人材與道致治國家之所以立法有司之所以宣力胥不出此今日被其教育者必博學強記以盡致知  
窮理之功躬行實踐以求修身體道之效窮可以淑一鄉達可以兼善天下若羣居嬉戲德不加修學不知講則非良有司修學之

意余之望於諸生者安在也記斯學也凡與其責者庶幾有警於斯文隆慶四年知府徐可久遷城於舞鳳山麓學隨

建城東南隅雍正志萬曆十四年知府劉光裕重修三十一年巡按宋

興祖復遷於金蓮山麓古今圖書集成其時縣學未建諸生歸併府學天啓

六年御史朱泰禎創建縣學知府李若金知縣賴子崇卜建於城

西北隅激江府志崇禎九年知府李以袞重修明末兵燹折毀經籍祭器

雅樂無存清康熙三年知州章爾珮修葺六年通判婁出類建明

倫堂九年知府馮甦置經籍三十年知府張聖猷捐俸重修古今圖書集成

三十八年訓導朱潤遠暨闔學紳士建尊經閣四十一年知府黃



元治以府學遠處東郊縣學形勢湫隘請改兩學合建於今地

志府

四十五年知府劉驪建明倫堂照壁五十一年郡人李發甲建德

配天地道冠古今二坊買學前民地以達街衢雍正十二年知府

來謙鳴署知縣蔣雯建文明石坊

雍正志

乾隆二年知縣辛文興置備

祭器五十二年知府孔繼忻知縣蔚柱率官紳重修大成殿飾疏

璃瓦築月臺周以石欄嘉慶二十年訓導李燾率兩學紳士重修

道光志道光十三年地震傾圮署知縣吳守仁重修二十七年知府李

熙齡捐修文明坊同治八年城陷折毀無存十三年巡撫岑毓英

撥公款銀二千餘百兩光緒元年知府汪元卿知縣伍懋郇率邑

紳重建崇聖殿大成殿東西廡德配天地道冠古今二坊并月臺

宮牆照壁

光緒志

河陽縣學宮 在府治西北明隆慶四年知府徐可久遷城時建未設官諸生歸併府教授天啓六年御史朱泰禎題准建學知府李若金知縣賴子崇卜建於城之西北隅清康熙三十年知府張聖猷通判張友密知縣沈晉初以明倫堂移建於學宮左三十四年新設縣學訓導朱潤遠暨闔學紳士建尊經閣於後三十六年知縣秦采鑄祭器四十一年知府黃元治詳請附於府廟改爲倉頡

祠 古今圖書集成

江川縣學宮 在城南舊縣明嘉靖四十五年巡按劉思問奏建萬曆間知縣杜鳴陽馬有慶劉懋相繼增修崇禎七年改遷縣治學隨改建於新城北隅清康熙三十二年署縣徐瀛翥仍遷建今地

雍正志 乾隆四十四年知縣劉潯率紳士移建於城東北鍾秀山下五

十四年署縣童雲棟增修嘉慶元年署縣任鍾岐四年知縣李浩

繼修二十年監生黃爾泰倡修規模始備道光四年知縣梁嘉蔭

增修道光志今仍舊光緒志

新興州學宮 在州治東南明隆慶元年建於城東南三里雍正志萬曆

二十八年知州楊顯遷建州治西隅三十七年知州田一仁遷州

治北隅四十五年知州柳芳陽遷州治東隅新興州志清康熙四十八年

知州任中宜遷建今地總督郭璜巡撫吳存禮重建新興州文廟記國家覆載生成無遠弗屆而文治

人才山陬海澨之鄉莫非禮樂詩書之習道德一風俗同易所謂觀乎人文以化成天下也滇南古百濮之地載在周書自漢明

漸入中區其地在五溪銅柱而外民夷雜處去鄒魯中原文獻之邦萬里而遙先王之春誦夏絃黨庠塾序所以涵濡而甄陶之者

僅矣今者聖人御宇漸仁摩義演雖遠時在宸慮几席間而山水文章交光互映金馬碧雞之秀昆池洱海之奇亦遂吐露英華宜

揚精采益煥發其巖巖清峭之氣故兩迤人士皆彬彬然質有其文新興州舊有州學以歷歲既久荒蕪不治州中管若梁君灝與

州守任君中宜慨然念之以為學校者人材之所自出也古者政治之盛衰視學校之興廢學校興則化導之功作於上而師儒之

教行學校廢則人材之心渙於下而師儒之教熄因倡始與閩州紳士更卜爽塏捐貲重翊鳩工集事一切維新材木瓦甃之類取

其堅丹黃黼黻之功取其樸有正殿有兩廡有別宮以崇啓聖之祀有明倫堂為敬業之所其他奎星閣文昌宮桂香殿以文就理

者率皆備美輪奐美奐會余兩人奉天子命同事茲土來謁文為記維學校之由來舊矣今天子九州四海莫不有學然而得其貌未

得其心慕其名不圖其實為師者既以勸導為官守之文而弟子所習亦惟咕嗶是務聲利是趨口耳是謀辭章是逞先王道德仁義之教其有序焉者乎夫學者所以學為忠臣學為孝子學為正人君子義夫烈士也必也格致以啓其源誠正以殫其力修身齊

家以考其實安邦定國以達其才而後所以為學者乃可得而言也漢武侯有曰澹泊可以明志寧靜足以致遠夫澹泊寧靜賢為學之方也誠得其意以求聖學鐘鼓在前鏡箴在列躁心平矜氣釋焉至聖在上羣臣在下如見申申天天之容如聞金石絲竹

之聲去浮慕之意而進於深醞化驕亢之情而造於誠篤反躬克己砥節立名他日用於國家為古今樹倫紀為宇宙荷綱常為先聖先賢續濂洛關閩之緒為千秋萬世謹廉恥禮義之防多士其互相砥礪交勉於成使天下謂滇士之人才與鄒魯不相上下微

特山川生色桑梓與榮即余亦得藉手以報聖天子之不顯休命矣是為記焉  
雍正十二年知州許廷佐重修  
雍正乾隆四十

年知州蔣繼勳學正謝三錫重修嘉慶六年知州李連城率紳士

買地拓基重修  
道光咸同間疊遭兵燹大半燬壞光緒三年闔邑士

庶重修  
光緒

路南州學宮 在州治東關外明嘉靖三十五年署州事同知周耿

建萬曆二十六年巡撫都御史陳用賓奏設知州鍾應麟鼎建明

倫堂啓聖宮  
古今圖書集成三十五年知州劉四教建尊經閣天啓元年知

州馬鳴陽遷啓聖祠於尊經閣右鑿泮池清順治十七年知州張



阜謨訓導周爰謀同紳士捐修康熙五十年知州金廷獻學正李

汝相重修

雍正志

雍正十一年知州于訥重修大成門乾隆二十年知

州史進爵重修大成殿及兩廡文明坊

路南志

六十年署州朱觀光捐

貲重建大成殿嘉慶五年知州李文煒重修兩廡及大成門十年

知州曾禮重修德配天地坊二十年知府鮑覲堂重修道冠古今

坊易櫺星門為石坊

續路南志

咸豐八年毀於兵

光緒志

廣南府學宮

在府治南關內舊未設學清康熙四十八年知府茹

儀鳳建正殿三楹雍正四年知府潘允敏建大成門東西廡五年

署府王琬建崇聖祠明倫堂

廣南府志

十一年知府呂大成重修

雍正志

乾隆

六年知府陳克復捐修正殿請項建櫺星門左右二坊圍牆照壁

悉備

府志

寶寧縣 清光緒八年巡撫杜瑞聯奏准設學迄今尙未建廟

光緒志

順寧府學宮 在城南鳳山左麓明萬曆三十四年巡撫陳用賓檄

知府余懋學建於府署之西清康熙八年知府許宏勳遷建今地

雍正志後知府胡朝賓重修二十二年知府劉芳聲重修

順寧府志

雍正十二

年紳士陳玉瓚等重修

雍正志

知府朱燦英教授蔣詔率紳士增修大

成殿櫺星門乾隆十九年知府李清載紳士重修建石坊鑿泮池

二十六年知府劉靖增修

府志

嘉慶十八年紳士重修道光三年重

修明倫堂

道光志

原建城內咸豐七年城陷焚燬同治十二年官紳士

庶改建於府署

光緒志

順寧縣 清光緒八年巡撫杜瑞聯奏准設學迄今尙未建廟

光緒志

雲州學宮 在州治南玉池明萬曆三十四年巡撫陳用賓檄建於

舊城東南隅明末燬於兵清康熙三年知州刀飛龍改建城北十

一年署州舒暢建明倫堂雍正元年知州吳元年教官殷士元劉

晟基重修十年知州邵琦移建今地雍正志乾隆四十一年知州曾人

麟學正李九基率州人遷建於象山下嘉慶元年訓導朱紱率紳

士重修櫺星門左右牌坊鳶飛魚躍坊文明坊十六年訓導朱紱

捐修道光志咸豐七年杜文秀之變燬於兵光緒八年署知州江雲龍

移建於城西象鼻嶺光緒志

緬寧廳學宮 舊未設學清嘉慶十九年署通判江清率紳士因文

昌殿基址捐建大成殿東西兩廡崇聖殿櫺星門大成門道德二

坊泮池圍牆規模悉具春秋二仲有司捐廉致祭道光志光緒八年巡

撫杜瑞聯奏准設學光緒志

曲靖府學宮 在府治東水閘口明洪武十七年建永樂元年重修

景泰五年巡撫鄭容重修成化三年巡按朱體知府張純重修弘

治七年巡按何琛章忱續修嘉靖二十九年巡按趙炳然副使熊

楫遷啟聖祠於廟東北萬曆七年巡按劉維建進賢樓二十三年

巡按李巡彥加修二十九年知縣李藻增修崇禎十三年兵備道

王敬錫重修土寇沙定洲焚燬殆盡郡人士議遷於城中白龍廟

丁亥三月流寇屠城復成灰燼清順治十七年教授楊克猷教諭

李維鉉申請知府李率祖議以舊衛址建學詳允康熙六年倡率

同知張臯謨通判劉孔學知縣程蓋教授陳蒙俞捐俸置經籍大

全及性理通鑑諸書今復散失二十二年因地湫隘將議遷焉

康熙志

四十年知縣胡麟徵移建水閘原址知府周元功胥琇總兵陸進



忠率紳士重修四十六年知府張道源樹左右坊五十年總兵馬

天寵知府李雯建文明坊鑿泮池雍正五年總督鄂爾泰重修古今圖書

集成乾隆二十三年知縣方天葆捐建尊經閣道光五年舉人喻元

升等建東西二坊道光志光緒三年陳彝率紳士重建大成殿規模較

前宏敞八年知府施之博知縣吳光漢張禮堂率紳士相繼捐貲

復修光緒志

霑益州學宮 在州治南州舊在今之宣威明嘉靖二十八年巡撫

顧應祥巡按林應箕建於舊州治南雍正志萬曆六年知州秦文緒改

建於城北驛址古今圖書集成天啟七年移州治於交水建今地後遭兵燬

清康熙六年知州王作楫學正黃世椿修復康熙志十一年知州高璘

增修古今圖書集成五十一年知州吳節民率紳士重建雍正十一年知州

杜思賢金文宗先後重修雍正志乾隆三十年學正李文黼訓導趙嗣

普率紳士建櫺星門霽益志四十年知州張大本率紳士移建州署後

道光六年知州王毓秀率紳士重建道光志道光十五年知州李杰重

建崇聖祠咸豐七年城陷焚燬同治三年闔邑士庶捐貲重修光緒志

陸涼州學宮 在州治西舊衛址雍正志明嘉靖二十一年奏建學宮於

衛左二十五年始銓官頒印學宮齋舍規制具備古今圖書集成萬曆十九

年巡按劉天衢改建於南門陸涼州志歲久傾壞清康熙八年署衛守備

張名弼教授柳志沈遷今地康熙志按州志作康熙五年守備張文彩移建 十一年知州江維祥建

櫺星門二十五年知州翁周鼎建明倫堂大門牆垣二十九年舉

人俞卿倡建啓聖祠三十一年知州江藻建金聲玉振二坊學正

董引養建五經樓州志五十五年知州杜珍移近南數十武以大成

殿爲崇聖祠雍正十二年知州吳柄重修置祭器樂器雍正志今仍舊

光緒志

馬龍州學宮 在州治南明嘉靖二十一年建於州治西南雍正志知州

張棟董其成

古今圖書集成

萬曆間知州張鑑遷於城內

馬龍州志

歲久傾圮清康

熙六年知府李率祖重修

雍正志

五十八年郡紳陳夢鶴等捐貲增建

道光志

雍正三年知州黃士傑改建今地十二年知州周銓建崇聖祠

雍正志

光緒七年署知州鄧炳堯率邑紳重修正殿及崇聖祠

光緒志

羅平州學宮 在州治東南隅明萬曆十五年府同知黃宇建州治

北後燬於兵清康熙七年知州王宏勳學正尹嗣陟即其址重建

十一年知州張瑛復修增置祭器雍正志二十二年知州康孟侯改遷

基左三十二年知州孫士禎學正楊于鼎始遷今地三十八年知

州張含章學正張藻鑑同紳士建啟聖祠明倫堂五十五年知州

王永禩學正塗暎建尊經閣署知州杜珍建泮池并橋羅平州志乾隆九

年知州戴之适率紳士移建城北太液湖上道光志嘉慶二年兵燹後

九年紳士修葺咸豐間兵燹祭器概行遺失廟宇坍塌光緒四年

闔邑紳士重修光緒志

尋甸州學宮 在州治西北舊為府學明正德九年知府戴鼐建嘉

靖六年燬於兵十一年遷於府治南康熙志及雍正志 按大政紀永樂十年三月丙申雲南左參政呂明善言尋甸府居民繁庶請設學校從之上曰

學校風化所係人性之善蠻夷與中國無異特在上之人作興之耳十八年知府劉秉仁復建於道源村尋甸州志隆慶二

年復遷於府治東北康熙志萬曆間知府林及祖遷城北鳳梧山麓天

啟二年巡按楊茂春置經書樂器崇禎三年知府吳思溫改筮於

府治後以御史行臺為之清康熙五年知府李朝柱拓修八年改



府爲州二十九年知州黃肇新捐俸重修四十年知州聶有吾

案雍正志

作晏州任中宜

遷於城西玉屏山麓五十一年地震傾圮知州李月枝重修

州志

雍正三年知州崔乃鏞詳請遷建於西北舊址置祭器十三年知

州陳齊庶重修

雍正志

乾隆三十一年知州舒瑞龍重修

道光志

道光八年

邑紳彭汝齡楊善倡首移泮池於櫺星門外十三年地震傾圮十

四年士庶捐修咸豐六年匪亂折毀并掠取祭器光緒元年闔邑

士庶籌款重修五年邑紳張義新倡置祭器

光緒志

平彝縣學宮

在縣治左即舊平彝衛學明正德九年建衛治右

雍正志

萬曆六年修二十七年重修天啟二年燬崇禎八年復建清康熙

七年總督卞三元遷建衛治左二十二年總督蔡毓榮重修

平彝縣志二

十七年裁衛歸府改爲書院三十四年設平彝縣改爲縣學三十

八年知縣任中宜增建啓聖祠明倫堂并門坊學舍雍正志自軍興以

來大半坍塌同治十三年知縣陳謐率闔邑士庶捐貲重修光緒志

宣威州學宮 在州治南倉坡雍正志明嘉靖二十八年巡撫顧應祥巡

按林應箕郡紳繆文龍建於州治南萬曆六年知州秦文緒改建

於城北驛址知州張翼成之天啟七年移建交水清康熙八年烏

撒案烏撒指宜化里屯所言霑益兩庠諸生捐修宣威志舊有霑益州學久圯雍正五年

設州八年巡撫沈廷正題建雍正志 案宣威縣志稱雍正七年知州漆扶助奉准建造新州巖宮下於倉坡因烏蒙有事中輟乾隆二年

知州朱繡改建於倉坡十一年學正李瑛建騰蛟起鳳坊義路禮

門及泮池三十二年署州王錫縉學正劉瑛建崇聖殿四十二年

知州饒夢銘學正楊紱修大成門及兩廡四十四年知州饒夢銘

學正陳雲龍改建明倫堂宣威志道光十七年知州余崇本學正王蕙

重修同治七年邑紳孫紹康李東昇稟准移建於城北舊址

案宣威同志稿稱縣

治八年邑人補用道李東昇病舊巽宮不得地倡議改建於南門內坐西朝東距倉坡故址不遠即現存之文廟也

光緒二年闔學重建明倫堂

光緒志

麗江府學宮

在府治北

雍正志

舊未設學清康熙三十九年通判孔興

詢詳請捐俸革創至四十五年設學始建於府治之東規制悉照

東魯家廟

古今圖書集成

雍正三年知府楊秘教授萬咸燕改遷今地

知府奉天楊秘遷建

麗江府學記

山左聖人鄉也先大夫撫其地余時為兒童嬉戲語以陳俎豆弗知也比長就學亦惟咕嗶從事所為學聖人之道志當世之務者茫乎未曉迨籍後日習吏腦抑又未遑遜志焉及待罪東昌益近聖人居登闕里之堂宗廟百官備瞻美富心切向往

於後知獲上治民順親信友由明善以要於誠者雖簿書鞅掌未可以一息弛良以聖人之道範圍天下而不過曲成萬物而不遺固無入不可學無地不當學者也甲辰歲自曲靖調守麗陽甫下車首謁文廟見其地勢卑隘規模淺陋所以妥先聖舍生徒

者均未嘗焉乃稽創造於諸生對曰麗舊無學士曾木氏慮民用智而難治因如秦人之愚黔首一切聰穎子弟俱抑之奴隸中不許事詩書康熙辛巳春曲阜孔公與詢來判府事見麗民質甚美力請建學以造士木氏猶然撓之事幾寢會執政知孔公能委

刺劍川乃得出囊俸招劍工伐麗木購民地布直經營閱三載訖工禮樂器畢具而麗始有學當是時會勢方熾建學為最拂意事地勢之不暇擇規模之不及宏所必然也諸生之言如此余因作而嘆曰孔君此舉可謂知先務而無愧於聖人之裔矣夫國家治

教明而道化洽興賢育才百年於茲矣麗固邊鄙然被氈荷犂之夫維皇降衷厥有恆性習俗儂詐長民者機智使然耳被以禮樂詩書之澤明君臣父子之倫未有不蒸蒸向化而油然親其上者必以不事詩書錮其智而益其愚豈聖天子廣勵學宮之意哉向

非孔君則麗民且不知有學向何卑隘淺陋之足病然卑隘淺陋至今日又大不可語竟而諸生退余以履任方新不及舉明年諸所役作各就緒廣文萬咸燕率諸生以遷建學宮請余曰是余夙志也遂議遷於府治北正大爽塏風氣攸聚工甫興而委理齏政

之傲至乃囑廣文董其役經始於乙巳季秋落成於丙午仲春自大殿及兩廡戟門櫺星門率循舊制柱棟瓦甍易朽益新環垣鑿池宏敞壯麗丹漆粉堊煥然爲一郡偉觀工垂成皆頗有記抑余聞之十室之邑必有忠信惟士者民之倡師儒者又士之倡誠做

昔人經義治事之遺意以誘訓諸生讀古人書學古人之道皆設誠於內而致行之使數年鬱勃之氣暢於事業發於文章爲信友爲孝子爲忠臣爲良民上不負天子下不負所學庶幾遊聖人之門而無愧若余固兩遊聖人之鄉而未聞夫子之道猶幸繼聖人

之裔而同此勸學之誠也  
是與麗人士共勉之  
五年知府元展成建明倫堂八年知府靳治歧重修

雍正志乾隆四年知府管學宣教授萬成燕改建兩廡大成門櫺星門

五年重建大成殿啟聖祠明倫堂麗江府志四十八年知府孔繼圻同紳

士重修道光元年知府王厚慶知縣伍文禧率紳士等捐修四年

署府廣裕知縣孫澤重修明倫堂道光志同治九年邑紳楊即程和貽

穀請款重修光緒九年邑紳楊鳳友由闔邑籌款重修光緒志

麗江縣 尙未立廟光緒志

鶴慶州學宮 鶴慶府廟學在府治西南舊元化寺元時建於城東

南二里明洪武十五年燬於兵十七年教授馬莊甫草創未備二



十九年土同知高仲遷於府治南正統十二年知府林道節拓而

營之正德二年知府劉珏建尊經閣十年地震傾圮十一年副使

朱袞卜建今地知府吳堂次第修理隆慶二年知府周集改學門

鑿泮池康熙雍正志萬曆間參政姜忻知府桑荆初程道淵祈汝東屢有

繕葺天啟間巡按羅汝元鑄廟鼎古今圖書集成崇禎四年廟災五年巡撫

蔡侃督邵名世知府陳開泰麗江土官木增重建清康熙三年署

府汪宗周修葺康熙志二十三年知府李作楫訓導馬之驊增修二十

八年知府盧崇義設樂舞器修廟廡四十年知府艾汝霖通判佟

鎮教授熊兆鎰遷建啓聖祠明倫堂鶴慶府志雍正十三年知府姚應鶴

紳士黃天祐等重修殿廡雍正志乾隆三十五年降府爲州廟仍舊制

四十九年總兵羅江麟知州唐瓚重修道光志咸豐七年杜文秀之變

文昌樓明倫堂焚燬光緒九年黃維中捐廉修建名宦鄉賢二祠

工未竣闔邑捐修葺事

光緒志

劍川州學宮 在府治南明洪武二十三年州判趙彥良建弘治十

四年地震傾圮十六年署州事晉寧州同知胡尙安重建正德十

年地震又圮

雍正志

嘉靖元年通判彭蘭拓基重建八年知州胡朝順

廢崇眞寺以廣學基十一年知州李必昂建正殿兩廡戟門櫺星

門二十七年知州方啟念重修四十三年知州越民牧新建正殿

改舊殿爲啓聖祠清康熙二十七年地震盡圮知州張國卿學正

董天工重修二十八年總督范承勳設樂生樂器三十六年知州

陳芳猷重修四十三年署州孔興詢補祭器

劍川州志

乾隆九年知州張

法遷於城西山麓十六年地震傾圮十八年張法復修咸豐七年

軍興焚燬殆盡同治九年闔邑士庶重修

光緒志

中甸廳學宮 在城東門外舊未設學清雍正二年改土歸流至乾隆

隆二十四年同知海米納始建大成殿東西兩廡大門牌坊規模

麤就道光志道光八年同吳昞修建後宮并添建東西廡大成門金聲

玉振二坊道德二坊道光二十九年同知汪梅改建正殿同治二

年燬於兵燹光緒八年巡撫杜瑞聯奏准設學

光緒志

維西廳 清光緒八年巡撫杜瑞聯奏准添設學今尙未建廟

光緒志

普洱府學宮 在府治南舊無學清雍正七年設普洱府學分元江

府訓導駐其地九年巡撫張允隨題建雍正志十年訓導陳日盛請帑

建大成殿崇聖祠大成門櫺星門禮門義路泮池照壁道冠古今

德配天地坊及文明坊 學正孫人龍建臺宮記 普洱為古西南夷極邊地歷數千年并未內附迨我朝平定全滇土酋歸命旋以畔伏誅由是始隸元江繼設普洱府雖其地故患瘴癘而山

川形勢實稱扼塞前此棄置微外使千里幅隕坐成榛莽今則建治備兵遂爲極邊重鎮且設學課士不鄙夷其民嗚乎盛矣國家聲教綦隆戒休董威靡遠弗屆先是雍正壬子春天子下明詔建學庀材鳩工經營伊始旋以夷變未告成功迄乙卯乃告竣焉夫維皇降衷厥有恆性固未有不樂於從善者况天地清淑之氣蜿蜒鬱積而鍾毓無論遐陬僻壤亦必有野處而不匿其秀者出其中第所聞普洱之民終歲衣食仰給茶山既家鮮蓋藏又性多頑蠢往往崇信巫鬼未革夷風然則上之人所挾以興道致治者顧可無其具與抑默爲轉移以化民成俗端有賴於文教矣余視學此邦普洱士子附試景東未嘗一至其地廣文陳君日盛爲余言郡學宮在城西門外面向南北左右與河水勢旋繞南則仁壽山北則鳳凰山東則錦袍山西則天碧山羣峯聳峙若環拱然宮之後有紅蓮一池芳香襲人其東偏爲司訓官署又建奎宿閣於明倫堂前蓋地靈斯人傑庶幾蔚然興起上應重道右文之盛治乎陳君老成持重堪爲人師向者修建時偕郡經歷張君明始終督理樂觀厥成故能言之詳云

乾隆三

十二年闔學紳士以原建地勢低窪移置重建嘉慶二十一年改

建櫺星門二十三年重修文明坊

道光

道光六年知府鄭燧知縣宮

慕久率紳士捐建名宦鄉賢二祠十一年知府鄭燧率紳士重修

崇聖祠太和元氣坊道德二坊周圍宮牆同治元年杜文秀陷城

焚燬十一年他郎廳游擊孫世恆率邑紳捐修大成殿東西廡崇

聖祠并置崇聖祠四配十二哲神位光緒五年南道沈壽榕率訓

導張善昌暨闔邑紳耆捐貲重修櫺星門移建太和元氣坊補修



崇聖祠東西廡重建道德二坊并鑿泮池築周圍牆垣

光緒志

寧洱縣

清光緒八年巡撫杜瑞聯奏准設學迄今尙未建廟

光緒志

思茅廳學宮

在玉屏山書院內舊未設學清嘉慶十九年同知李

文桂捐貲倡同士民建殿宇三間春秋二仲捐貲致祭

道光志

同治十

年杜文秀之變焚燬殆盡光緒七年同知陳景湘率闔邑士民捐

貲重修光緒八年巡撫杜瑞聯奏准設學

光緒志

他郎廳學宮

在城東門外係文昌宮舊址清道光元年通判龔正

謙舉人金棠倡闔邑創建七年通判李恆謙成之

他郎志

同治二年杜

黨據爲營殿宇坍塌牆壁燬壞游擊孫世恆同闔邑士民捐貲修

補光緒志

威遠廳學宮

在抱母井東山清道光七年同知恩長率屬捐建

道光志

咸豐九年燬於兵

光緒志

永昌府學宮 在城內西北隅元時建於都元帥府西明洪武十五

年建學因之十六年兵燹二十三年省府遂廢學二十七年命翰

林秀才余子禧為武職軍民子弟師以鎮南門所署為館舍永樂

十七年子禧倡建文廟於中正坊之西正統九年刑部侍郎楊寧

征麓川駐此始於城內西北隅建金齒司學

明尚書王直重修金齒司學記 天之生人即以陰陽五行之氣成其形矣亦皆賦

之以同然之理焉於是仁義禮智之性以施之君臣父子夫婦長幼朋友之倫日用事物之間不以地之遠近或異也然氣稟有清濁厚薄於是理有不能全此教之所以不可無也金齒古哀牢夷之地漢始闢為永昌郡後世或因或革然皆羈縻而已至元為

永昌府建學以教其人後熾於兵國朝洪武壬戌取永昌置軍衛鎮之既而以民少罷府改衛為金齒軍民指揮使司以統之歲甲戌乃命秀才余子禧往教焉始立孔子廟於中正坊之西軍民子弟皆來學子禧卒指揮胡琛車琳等言於朝請以其子毅仍領教

事未幾有詔許凡軍衛皆立學仍舉毅為訓導而胡車相繼謝世會靖遠伯王公驥尚書徐公晞侍郎侯公遜都督沐公昂征麓川叛酋駐師金齒以舊學規制頗隘得城西高亢地議欲遷之經營未就而刑部侍郎楊公甯來參戎務迺與黔國公沐公斌謀欲亟

成於是都指揮胡誌李昇指揮同知趙忠訓導余毅等同心協慮聚財鳩工不踰年而廟學落成殿堂門廡齋舍廚庫及諸器用靡不備具適右監丞黎公義總戎都督沐公璘來巡邊謁廟咸謂毅曰廟既成宜請文刻石以示將來毅既滿考來京擢陞教授領職

而歸則來告於子曰學校之建使其人皆入於善上之德大矣諸文武臣祇奉上命以成就其事用心亦勤矣願為之記庶有考於永久且於學者進為之方亦願因之以示教焉余謂聖人之立教使人變化氣質而全性之善其說皆具於書讀其書究其言以明

諸心措諸行自倫理之大至於應事接物之常無不盡其道焉而又持之以誠加之以勇則安有不成者哉金齒入職方七十年其沐浴聖化久矣今又比之內郡立學以教之此天子一視同仁之心也要在爲之師與董其事者深體而躬導之耳毅字止善祇慎其能成賢才而美風俗可必矣故爲之記以俟且使後之人有考而善繼之也學成之日則正統丙寅三月九日也

成化四

年巡按朱皚建饌堂號舍大門十七年兵備副使王槐建興賢毓秀二坊正德八年訓導黃臨建坊表十五年兵備副使汪標鑿泮池建石橋嘉靖三年改金齒司學爲永昌府學萬曆十三年知府陳嚴之建石坊於泮池南二十三年通判李紹芳推官董述先建敬一亭置祭器樂器後燬於兵清康熙六年知府王家相重修後總兵周化鳳知府羅綸重修雍正十二年知府嚴宗喆捐修增祭器樂器雍正志乾隆十一年知府徐本僊總兵陳綸知縣張福昶重修置祭器樂器二十四年知府佛德重修三十六年知府賀長庚宣世濤知縣汪朝鑾陳國勅陳其偉等重修正殿三十九年知府周

際清重修祭器四十八年知府宣世濤重修兩廡鬻門明倫堂嘉

慶二十三年訓導王愷重修兩廡泮橋道光二年知府伊里布補

修圍牆并泮池石橋欄杆永昌府志十二年署知府董國華重修董國華修理永昌府學記道

光十一年辛卯春國華自廣南移權永昌府事三月杪抵治所敬謁學宮周覽廟廷觀其椽桷朽駸門廡傾塾屋漏痕垂垂徧殿壁不即整理將壞圯不可治重建費益不貲且無以重祀典而光學校守土者之責也慨焉有修復之志以告前守今迤南觀察胡君

啓榮君曰甚善前已飭郭訓導治國經理其事並計度工用約需千餘金捐俸為倡而寅屬紳士皆踴躍輸將行詎吉與工今得君來董其事工必成且速矣因索捐輸簿籍觀之計費已得半乃訂期詣學親為勘度時郭訓導鳩工庀材先期經始爰為料量資用

鉤稽工役修廢舉墜葺殘補缺或撤而營之或因而新之自前後殿庭以迨門屏廊廡內外坊表垣墉神廚碑匾均加修整最其木石瓴甃髹漆匠作之用共糜白金八百六十餘金計之捐冊不足尙多國華一力任之閱四月而告竣費節工堅燦然煥然翬如翼

如復舊觀焉國華又與郭君檢校祭器存者無幾皆壞爛不可用因募銅開冶刻木編竹按之禮圖督制鼎鬲尊爵簋簠豆几俎麾蓋之屬莫不備具時值中秋上丁祭期是日大會文武率諸生肅將祀事並告落成黍盛馨潔牲牢豐碩燎火炳煜鐘鼓鏘洋加

以丹雘藻耀儀器昌明胙饗昭融煌煌乎秩秩乎庶幾仰副聖天子重道尊師之盛典而下肅兩廳二縣十七士屬人士之觀瞻也國華忝守是郡甫下車匆勿從事幸得觀成是微胡前守倡議於前闔郡文武諸君急公襄助於後曷克臻此而郭訓導督諸生始

終綜理實心實力其功尤不可沒也所有捐貲督工各銜名列於右鐫之樂石以垂不朽繼是而歲勤修葺守慎典司俾永久毋失墜此則後君子之當共勉者已 道光志 咸豐七年兵燹焚燬

光緒九年知府郭懷禮重修光緒志

保山縣學宮 在府學南明嘉靖十一年巡撫顧應祥奏設十二年



巡撫胡訓知府鄭壽建後知縣馬冕鑿泮池隆慶三年兵備周公

祚改修後漸傾圮清康熙九年知縣吳士鯨重修古今圖書集成雍正十三

年知縣張福昶重修增祭器樂器雍正志乾隆二十四年知府佛德知

縣陳廷獻重修二十一年訓導許敦元建二坊為黌門四十一年

知府湯雄業知縣李偉烈教諭任聚仁率紳士重修四十六年知

府特昇額知縣潘鈺重修啓聖宮東西兩廡道光二年教諭楊春

輝重修黌牆牌坊泮池欄杆永昌府志咸豐七年杜文秀之變焚燬光緒

元年知府朱百梅重修三年知縣劉雲章續修光緒志

騰越廳學宮 騰越州廟學在州治南明成化十六年巡按樊瑩參

將沐誠建騰衝司立廟學康熙志正德六年參將沐崧重修古今圖書集成明郡人張志淳重修騰

衝司學記天下莫遠於演演莫遠於騰其去中國遐絕矣入我朝百年始有學是騰學所極遠其冠天下之學與我朝教化之無外而所以表孔子之道大興學以指揮陳鑑得請於成化辛卯巡按御史常山樊瑩肇營於庚子鎮守太監王舉參將沐誠輩相

與考成於壬寅癸卯間其設官以教選材以養則乙巳乃備而舉於鄉者不乏則始弘治乙酉也顧初無文記而地以遠遠凡任興舉之寄者艱至其所廟學用是日類敵幸未冬今鎮守印綬監承朱奉巡行至騰越於衆曰某平生於佛老邪淫之說無所好惟孔子之道是崇是慕今廟學弗治某當身其事而鎮守參將沐崧志與之偕適取賞於閱射之法取助於弟子員之贊取力於公家之役蓋自殿庭門廡齋堂庫室以至牲庖學舍咸事事矣會督學副使雲間李希顏聞而趨之加廩餼如制由是類新圮崇神安士興維邦胥與迺屬記志淳志淳竊以爲賢如韓愈其記孔子廟特以句龍業校陸殺爲榮歐陽修尙謬之至修拳拳於釋菜釋奠之間後之視修猶愈等耳愈修皆自負造孔子之道又皆以文章名世而於此卒不顯信乎孔子之道難於名言也而於志淳乎何有然難其言而恣爲廣大不可究極之說誣也畏其難而卑語之誣也謂死孝死忠而言足以盡其蘊畫也惟夫篤信孔氏之書而求諸性分與之契其庶乎廟祀文也建學文也誦其書亦文也設科之教科舉之選又文之大者也然離文以求之不可也而溺於文以汨之此又方今天下之通弊有識之深憂而士習之大患也於此有辨焉其庶乎不失朝廷所以崇極孔子以爲教於天下之本意而騰學所謂冠天下者殆不以地而以人而漢之蜀唐之閩皆淺乎其爲功茫乎其爲教矣此則志淳竊附以言之意也

嘉靖二年復州治即改爲州學雍正志清康熙七年知州王律學正萬

青選修古今圖書集成二十六年知州楊端憲重修永昌志三十三年生員胡銓

倡議改建於騰越衛署四十四年知州唐翰弼學正段銓璋移建

今地雍正志雍正三年知府孔毓璜重修攜孔陵楷木一株置殿前乾

隆八年知州唐世梁於泮池架石橋三十五年布政使錢度知州

吳楷訓導陳文燦重建騰越州志五十三年知州屠述瀛重修道光三年

改州爲廳學仍舊制道光志道光二十五年同知李恆謙倡捐重修工

未竣二十七年同知彭崧毓學正許文藻訓導潘安國率紳士解

賓王等落成同治元年杜文秀陷城焚燬十三年署同知吳啓亮

倡捐改向修建大成殿光緒三年署同知蔡信義補修五年同知

陳宗海捐廉六百元并由地方籌款五千餘金仍照舊向修建大

成殿崇聖殿東西廡名宦鄉賢二祠節孝祠各坊門泮池明倫堂

光緒志

永平縣學宮 在城內舊守禦署西明洪武二十六年命臨川葉學

則爲社學師始建文廟雍正志正德十一年兵備吳潛重修二齋舍永昌府志

嘉靖三年知府嚴時泰疏請建學十一年巡按熊榮兵備潘潤即

靈通寺址改建萬曆二十五年知縣蔡俊重修提學趙繼恆增修

四十年遷西山土廟之下四十八年復遷於舊址僅有大殿兩廡  
清康熙八年知縣楊繼振重遷西山下建明倫堂三十一年知縣

薛采仍遷城內舊址三十六年知縣姚孔鎰重建殿廡門堂雍正

八年知縣胡正笏重修雍正志乾隆元年知縣王祚顯率紳士耆民移

建和邱山麓二十六年知縣何良臣增修殿廡門階泮池大門三

十六年知縣宣世濤重修嘉慶十九年知縣涂沛伍重修永昌府志咸豐

六年杜文秀之變焚燬光緒元年知縣陳紹基率士民於古城原

址修建大成殿櫺星門光緒志

龍陵廳學宮 在廳治東清道光九年知府胡啓榮同知岳輝文捐

俸議建十二年知府董國華署同知嚴良裘率士民倡捐落成知府董國

華新建龍陵廳學記 洪維我國家以文教治天下聖聖相承隆儒重道成均辟雍起化首善近自行省郡縣遠而偏隅下邑莫不建立庠序登進秀髦詩書絃誦之風俎豆宮牆之典皇乎懿哉蓋自三代以降上下數千年教化覃敷所未有嗚乎盛矣雲南永昌



郡分防龍陵廳舊本猛弄夷地去省千二百餘里滇之西甌脫也濱於怒江龍江臯壤僻阻而泉甘土沃五穀皆宜獨無災厲瘴毒之害漢夷雜耕俗循古處比年來涵濡化澤人士向學儒風漸振其地初隸保山乾隆中大吏以外接緬城內控屬夷距縣遠治理維艱乃奏移府同知分防並析府屬之潞江芒市遮放三土官隸之其時錢塘張君遐齡首蒞是任始設廩署建立社廟以備規制張君精堪輿術度地至廳治東謂人曰此地面乾背巽左山右江形勢蟠拱龍陵正脈他時人文興起崇建學校必於是焉父老志之閱今六十餘歲以歲科試士附學保山未克創舉道光己丑秋司馬岳君輝文始從士民請即前張君所相地議建文廟爲士民瞻禮講學地牌告太守胡君啓榮各出俸金爲倡事甫經始而岳君擢守東川胡君擢巡迤南相繼去代岳君者爲吳大令繩亦未久量移庚寅吾鄉嚴大令良裘奉檄攝篆而國華適於己卯春繼胡君來權郡事士民載申前請嚴君復白於府乃集紳耆料量經費不足又捐俸助之庀材鳩工躬自督治越歲壬辰春克定於成浚池繚垣重門中唐前後兩殿東西配廡莫不崇峻宏整丹雘昭煥粲然鉅觀以落成來告時屆春仲享奠及期而儀器未備國華因捐俸飭匠考之禮圖築造鼎鑪尊彝簠簋豆之屬凡百六十餘事並錄會典祭儀以畀嚴君恪遵將事宮庭嚴肅器物明備青衿執事躋躅登降彬彬然秩秩然古人所謂治濯鄒魯者其在斯乎繼自今官斯土者登聖人之堂奉聖人之教躬率士子以時習禮勤學爲民俗先將見風氣丕振才雋篤生必有若漢之楊終呂凱者以文學忠節顯於世爲永郡光此則國華與嚴君所期望於後賢者也爰敘顛末勒之貞石俾後有考焉

咸豐

七年杜文秀之變折毀殆盡光緒二年同知陳方選率士民重修

光緒八年巡撫杜瑞聯奏准設學

光緒志

開化府學宮 在府東城外清康熙六年設學知府劉訢創建大殿

二十七年知府張仲信增建兩廡明倫堂三十二年知府沈甯建

啓聖祠三十三年知府李錫鑿泮池五十二年訓導李春盛重修

大成殿六十一年知府吳文炎建櫺星門坊及兩廡雍正十二年

知府宮爾勸知縣曹國弼重修建泮池牌坊置牌位祭器

雍正志宮爾勸增修開化府

學宮記 聖祖仁皇帝御極之六年以接壤交趾之三土司置開化郡我朝以來滇之改土設流者自開化始武功遐播文德遠敷皮弁釋菜肇有學宮雍正己酉余由恩樂縣令遷開化郡丞辛亥遷本郡守馳驅王事不遑賦邑甲寅元且旋署謁先師孔子廟瞻

拜傍徨中心愍焉余以忝列門牆蒞任五載茂草頽垣甚非聖天子建學明倫意也謀諸丞令幸有同心維時各出俸錢增建者則櫺星門道德坊泮沼照牆奎星閣也改修者則文昌宮明倫堂尊經閣造脯所典籍庫也其舊有之大殿丹墀兩廡大成門崇聖祠

名宦鄉賢祠或結砌或塗墍或丹墀經營期月始獲落成於是遡原途初暨厥嗣續前則劉守祈建大殿三楹削木苦之學之制始基之矣既而石守文展易木為瓦尋建兩廡諸祠明倫堂者張守仲信建崇聖祠文昌宮者沈守甯砌丹墀鑿泮水樹門屏者李守

文淵先是諸公建設在今學宮左側形勢湫隘棟宇卑狹草昧初開風仍樸陋厥後梁守文煊率訓導李春盛遷建大殿於今地以前之大殿為文昌宮面勢宏敞頓改前觀若夫增建兩廡大成門名宦鄉賢祠則吳守文炎增置祭器樂器則修守世祐也余從諸

君子後補直幾何而竊竊然記之毋乃滋愧顧營之者閩人多成之者歷年久懼其再傳而莫之稽也爰鐫石以俟後之同志者

乾隆十二年知縣謝千子教授

趙震典史程堪重修大成殿大成門櫺星門新建崇聖祠道德二

坊二十一年間知府湯大賓同知李緝署知縣王元犧教授趙

震改建明倫堂尊經閣兩廡齋房並置文明坊

府志開化

嘉慶三年知縣

史兆登重建十七年知府盧响教授莫蔚起率紳士拓地重修二

十一年同知周炳教授陳瑞圖訓導束本培續修規模極爲宏敞

道光志自軍興以來並無折毀改建光緒志

文山縣 清光緒八年巡撫杜瑞聯奏准添設學迄今尙未建廟光緒志

安平廳 清光緒八年巡撫杜瑞聯奏准添設學迄今尙未建廟光緒志

東川府學宮 在府治南門外舊無學清康熙四十二年尙隸四川

始建廟設學雍正四年改隸雲南五年知府黃士傑教授趙淳改

建崇聖祠十一年知府崔乃鏞遷建學署雍正志十三年六月地震知

府崔乃鏞知縣祖承祐教授梁興祚重修乾隆十九年知府義寧

重修東川府志二十七年教授高于庠建騰蛟起鳳坊改修德配天地道

冠古今二坊及文明坊道光志咸豐八年大成殿災十一年知府孔昭

鈞教授陳維愷率闔學重修光緒志

會澤縣 清光緒八年巡撫杜瑞聯奏准設學迄今尙未建廟

光緒志

巧家廳學宮 清道光二十八年同知猶自東建光緒八九年同知

胡秀山王治普相繼重修光緒八年巡撫杜瑞聯奏准設學

光緒志

昭通府學宮 在府城南門內舊無學清雍正六年總督鄂爾泰題

請設學建廟九年知府徐德裕監督興工十三年捐置祭器樂器

雍正志 乾隆間教授祁格增置祭器樂器嘉慶五年知府俞廷掄率紳

士重修十八年教授李上桃率紳士重建明倫堂道光四年重建

櫺星門 道光志

恩安縣 清光緒八年巡撫杜瑞聯奏准設學迄今尙未建廟

光緒志

鎮雄州學宮 在州南門內明嘉靖中設教授萬曆元年土官隴安

請建大成殿兩廡戟門清雍正六年改爲州設學正廟制增修

雍正志



十年知州李至請帑補建學宮旋即遷去後知州徐炳學正孫應  
昌率闔學紳士增建櫺星門禮義二坊道德二坊泮池照壁明倫  
堂俱備乾隆十年學正楊上林置祭器樂器三十一年學正萬方  
泰率紳士補修五十五年知州張能佑遷建於城北門外以舊城  
隍廟基址互易道光志同治四年因亂焚燬光緒元年知州陳謐捐廉  
同邑紳重修大成殿崇聖祠德配天地道冠古今二坊光緒志

永善縣學宮 在縣城內清雍正六年總督鄂爾泰題建雍正志乾隆三

十五年署知縣汪丙謙補修四十年知縣李發源重修五十八年

紳士孫謙等捐修同治元年因亂焚燬光緒六年知縣安保宸率

邑紳重修光緒志

大關廳學宮 在城南係文昌宮遺址清道光十九年同知姚延之

改建大成殿崇聖祠東西廡大成門櫺星門禮門義路二坊鑿泮池築月臺修石橋光緒八年巡撫杜瑞聯奏准設學同知謝光燾

撥款培修 光緒志

魯甸廳 清光緒八年巡撫杜瑞聯奏准設學迄今尙未建廟 光緒志

景東直隸廳學宮 景東府廟學在府南錦屏山下舊為衛學明正

統七年建於城外南倉井之西萬曆十五年通判尹學孔遷今地

巡撫陳用賓奏改為府學明末裸寇焚燬清順治十七年同知薛

蓋及紳士買徐指揮宅為廟學康熙二十一年署同知楚雄通判

汪遴卿改建於城西玉屏山麓二十七年同知湯傳楷建明倫堂

三十九年署同知徐日忠乃遷於今地殿廡堂齋俱備雍正十一

年同知徐樹閔教授張問政重修置祭器樂器 雍正志 乾隆十七年同

知程近仁率紳士復遷於石屏山舊址三十五年改府爲直隸廳  
廟仍其舊五十三年紳士建崇聖祠嘉慶十一年署同知嵩山率  
紳士擴大宮牆規模益廣二十一年教授李繼昌率紳士羅承休  
等復修道光元年羅承式等重建二閣於櫺星門前立二棨門於  
奎閣前左曰聖域右曰賢關景東廳志同治元年兵燹多所燬壞十三年  
同知凌應梧率邑紳捐貲修補煥然一新光緒志

蒙化直隸廳學宮 蒙化府廟學在府治東南明洪武中建舊爲州

學景泰間改爲府天順間教授吳憲士知府左林等市地增建成

化十六年通判姜永錫建堂墊地土舍左輓義官張總建尊經閣

鑄祭器康熙志弘治間侍御金獻民嘉靖間兵備姜龍相繼增修明侍郎永昌張志淳

重修蒙化府儒學記 曩蒙守正嘗遣使來問樂則賢之白訓導振之復遣弟子登仕持狀來告學校之成而徵記則又賢之按狀  
學建永樂中時蒙尙爲州向震景泰改元始陞府成化改元始易向離今嘉靖癸未雲南按察副使太倉姜公龍始闢門於左守壽

關門於右請不舉學事是故殿則丹楹刻龍筆以金飾凡瓶甌暨棖咸斷而疊之加密石焉聖賢像皆更新建龜置帷帳之內凡金工繪工髹工色工罔弗飭殿之中唐陳疋級廉隅欄楯增崇而殺密有等兩廡廓而大矣而服冕服坊服石服采精而衷華而軌罔弗稱故櫺星之門以木則易石故曾經之開設前則移後門之東西增室三楹則曰廚曰庫有所矣開之東西增室三楹而置鉅櫃於中則禮樂之器可儲矣泮池益深廣池橋益高大而石坊有表門之外設樹樹東西設石而騎過有禁左闢之道故有成賢義路之表載刻石記之右闢之道更類宮曰養士更儒學曰禮門俾與左適下至周繚之垣罔弗度則廟學於是乎舉矣禮樂諸器皆考經定制軌物章采故無而創者什九有而葺者什七則器數於是乎備矣乃又若殿門諸表自大成素王文廟成賢養士義路禮門鯤化之屬皆守書題不敢忽心畫於是乎虔矣工以癸未十月肇興以甲申七月告成財於兩計者二千有奇而民不與經理越歲而振之帥弟子能勤之不違訓導崇智又能佐之不貳是故士悅而興工趨而和役大而不勞功成而不費咸守事是事而無閒也君子曰甚矣茲舉之善而狀不誣也哉守先問鳳簫編磬於予其蓄心於斯也久矣可不謂豫乎夫事豫則立立則固固則著其有循也已守又好善經術士受易書春秋三家於專門可不謂學乎夫學則明明則智智則用心衷衷則循而整豐而制動而不擾而得民與士殆其末矣今觀斯舉於振民育德設教於和會咸勸見事於畢務戒事致用而咸罔不契焉則經之教直左云乎哉然基而上之教之大直斯舉云乎哉傳曰教若川然有原以巧浦而後大茲則知巧而幾浦矣猶未大也可不務乎守姓左蒙產國初遠鎮郡守率用所產俾世後多以教廢而蒙獨以教興近見蒙所出士似有灼知義利之辨而絕異環濱之士之仕者於戲是豈無所自哉

正德間土知府左禎更加

修葺增所未備萬曆間通判薛希周鑿泮池二十八年兵備道楊

秉越同知朱夢麟重修四十七年廟災同知許尙請於巡撫御史

潘睿依址重建歲久傾圮經籍祭器雅樂無存清順治十六年教

授李啓華重建啓聖祠康熙二十二年同知金標捐修殿廡土知



府左世瑞建成賢養士坊

古今圖書集成

三十一年同知楊天眷改建啓聖

祠明倫堂

康熙志

乾隆二十九年同知謝穎元重建櫺星門修成賢養

士二坊三十五年改府為直隸廳廟學仍舊三十六年紳士移建

崇聖祠牌坊四十六年教授盧鏞添置樂器增修崇聖祠承祭齋

續修蒙化廳志

咸豐七年杜文秀據蒙城折毀太甚同治十一年闔邑士庶

積貲增修興文祠承祭齋補拜臺石欄光緒四年同知夏廷燮修

葺大成殿及東西廡復置樂器祭器光緒十一年同知夏廷燮卜

庶凝籌款移建櫺星門改鑿泮池重修明倫堂并移東西兩柵

光緒志

永北直隸廳學宮

永北府廟學在城內東北瀾滄衛舊署明洪武

十七年設北勝州學

康熙志

正統時兵部侍郎侯璉改建弘治正德間

兵備吳球焦詔晁必澄繼修萬曆十八年知府劉九思遷於城西

山下知州孫瑄遷於城東南殿廡門堂齋舍坊表巖就知州羅好仁學正王朝臣鑿泮池建坊明末兵燬清康熙二年知州張彥紳

改於城內開化寺議建未果二十二年知州申奇猷遷建於西門

內鎮撫舊署永北府志三十七年裁永甯併北勝州爲府改北勝州學爲

永北府學四十一年知州李楷遷建於今地四十八年知府朱光

宗建大成門鑿泮池六十一年署知府陳士昂建義路禮門二坊

康熙志雍正五年知府馮光裕甫欲修葺值陞任捐貲留學七年知府

石去浮易舊更新規制悉備乾隆十八年知府汪筠重修府志三十

五年改府爲直隸廳廟仍其舊四十五年知府陶萬選署丞李文

蔚福昂先後重修道光二年同知牛暹率紳士重修道光志咸豐七年

杜文秀之變樂器祭器遺失無存大殿後殿半就傾圮同治十三

年同知郭時郁籌款率闔邑士庶重修大成殿崇聖祠東西廡大成門名宦祠鄉賢祠致齋所持敬所道德二坊泮池照壁并置牌

位

光緒志

鎮沅直隸廳學宮

鎮沅府廟學在府城舊無學清雍正十年巡撫

張允隨題准建廟設學

雍正志

乾隆六年知府姚應鶴創建於東門外

三十五年改府爲州廟學仍之

道光志

咸同間兵燹焚燬光緒初年士

民改建於舊府署後建大殿三楹

光緒志

恩樂縣學宮

在縣治西關外碧松山麓清雍正十年巡撫張允隨

題准建廟乾隆五年知縣張明創建三十四年知縣蕭思濬重修

四十七年知縣袁嘉保典史徐錦堂增修嘉慶十七年知縣成斌

捐修大成殿崇聖祠道光二年知縣譚綸教諭周英率紳士捐修

東西兩廡大成門櫺星門及道德二坊六年知縣余炳虎倡捐修

理煥然一新恩樂縣志道光二十一年裁縣為經歷廟學仍之軍興以來

折毀殆盡光緒八年同知修朝元率闔邑士庶捐貲修建大成門

東西廡照壁垣牆光緒志

廣西直隸州學宮 在府治東北鍾秀山麓明成化間知府賀勳建

案大政紀成化十七年十二月設廣西府學 萬曆間知府陳忠遷建東門外後知府徐以裕遷建

於奇鶴山下兵燹就圯清康熙五年知府萬裕祚遷建於鍾秀山

舊址規制具備置祭器樂器三十五年知府劉治中建明倫堂雍

正十一年知府周琛通判畢一謙重修康熙志督學烏程吳應枚重修學宮記今天下久道化成文教洋溢恭遇皇上御宇廟精宵旰百度

維新至於崇尊學校廣儲人材尤為遠軼千古余奉簡命視學滇南以次校士廣西入城謁文廟由門堂而殿廡以至祠宇齋舍其規模咸宏以整聖粉施丹勺金璀璨輝煌有異他處余顧而嘉之諸生成進曰是太守之力會詞請記按府治學宮前明成化年間

故址舊在城東繼遷於今地名鍾秀層疊嶂周圍環衛鬱鬱葱葱其尤佳者對面之文筆峯遙岑朝拱蒼翠可挹旁則衆壑匯瀦從兌方橫瀉而來既繚以曲如往而復溯泮於前自山洞中入地竅穿峽里許由巽方鉤突而出旋繞如帶萃川岳以鍾秀安先



聖之靈爽誠莫有善於此者康熙元年太守萬公重葺而釐整之緣麓高而徑選四岫雲沈時在煙霞迷離中露棟霧榭易受剝蝕不下七十年又有傾圮之慮郡守周公蒞任十載殫心整飭尤加意文教每從月吉讀法之餘目擊心計量費三百餘金乃率先捐俸選實心任事之士鳩工庀材於雍正十一年正月與事六閱月而告竣民不妄役工不久妨余喜太守之修廢舉墜使膠庠增光芹藻生色也余尤願夫諸生身列宮牆瞻仰廟貌之巍峨日習聖賢之禮教化其椎髻侏儒之俗範以詩書絃誦之規明其體達其用處則可以羽儀鄉黨出則可以黼黻宏猷濟濟多士盡皆譽髦之選庶於國家建學儲材之意有得而不負太守更新之舉也於是以爲諸生告使知所勸勉爰勒於石并襄事紳士李鵬飛顧鴻儒張也聰等并登之俾後之覽斯記者咸得所感發而興起也可

署知州張承明建大成門通判李廷煥鑿泮池知府顧焯建崇聖

殿乾隆三十五年改府爲州廟學仍舊志府咸豐七年兵燹之後圯

塌過半同治十一年知州松昌率邑紳重修紳士張有能改鑿泮

池光緒志

師宗縣學宮 師宗州廟學在州治南門外明萬曆間知州伍揆文

創建於城東北未設學宮崇禎三年設官清順治十六年裁附府

學康熙十年移建今地三十三年復設教官雍正十年知州高錦

重修康熙志乾隆三十五年改州爲縣廟學仍舊四十五年知縣屠紳

徐峻德金國勳盧詢教諭趙雄飛訓導趙國寶率紳士移建道光咸

豐七年燬於兵光緒

彌勒縣學宮 彌勒州廟學在州治南門外明嘉靖間知州王業建

廟於西城外康熙隆慶四年知州陶標繼修萬曆二十年知州李接

雲落成有廟無學四十一年知府蕭以裕詳請建學彌勒天啓三年

始建學設官知州沈仰遷建南門外即今地崇禎間燬知州魏起

龍重修清康熙四年按州志知州王希聖遷建北門外巡撫袁懋功彌勒州建學

以文二者未嘗偏廢其於文教尤所重云蓋堯舜之時苗不即率數聖人怡然不以爲意所兢兢惇敝者惟此五教之敷而已是以

警宗有制司徒有命典樂有教勞來匡直有訓而卒之兩皆舞羽七旬來格文命所屆武功隨之巍哉此帝德之所廣運也今天子

受命神武不殺宏開科目崇建辟雍天下從風而靡無思不服滇南初定庶事草創首以師儒請識者知文教將興帝德遠被必在

今日矣顧諸爨序或存或燬所在有司多倡率未遑也彌勒州守王希聖勤其職而仰體德意在州數年百廢俱舉憫州學頹頽而

更下建於州治之北距城里許其地諸峯環拱鬱鬱葱葱玉津盤江交流縈繞於是舍舊址之湫隘構新宮之巍峨中爲大成殿門

先子弟之率必謹家知方而民易使折衝楹俎之路在是矣豈必序以教射泮以獻賦而後足以革鴟音屈羣醜哉王守誠知所重余亦樂觀厥成因書以畀之

二十七年知州杜珍新

建大殿雍正三年署州方嘉春建明倫堂大門十年知州張景澍

學正孫占魁訓導王正生增建櫺星門石坊置祭器樂器

州志一督學吳應枚重修彌勒

州學宮記一今天下聲教四訖無遠弗屆凡遐陬僻壤靡不漸被滇雖僻處天末距京萬里而雕題鑿齒之俗悉為敦詩說禮之鄉蓋沐浴德化者久矣至推立教之原必始於膠庠而後達於里黨暨於薄海內外此國家崇儒重道於學宮之建尤亟加意夫固以

人材之淵藪風化之根抵胥由乎此也雍正壬子冬余膺簡命督學滇南陛辭之日天語煌煌恪恭遵奉飭兩迤教員凡學有歷年久遠宜加釐整或規制未備應行增修者悉令呈報舉行親加驗閱癸丑夏巡試廣西率諸生首謁府庠莊嚴鉅麗大異舊時遂援

筆誌之貞珉以示鼓勵而彌勒紳士進為余言州學創自前明經數百餘載棟宇漸就剝蝕不能堅完官斯土者率以吏治糾紛無暇兼及茲州刺史張君景澍鳴琴化理政有餘閒捐俸以為首倡學博偕州之紳士踴躍從事爰令擇吉庀材鳩工前大成殿

後崇聖祠暨東西兩廡或因而仍之或廓而大之莫不施以丹堊輝以金碧櫺星則易石坊周垣則設戟門以及泮池之浚深照壁之培高精而衷華而軌罔不相稱又從堪輿家度地宜為建三層奎章閣於學宮後建桂香閣於學宮左建塔於學宮案山以培文

峯鎖水制煞部位安詳萃山岳之鍾靈為學宮之拱衛不踰年間而工告竣請記於余余聞是邑之役落成甚速不勝心喜皆由此邦士子能敦崇正學而倡導得法董率有人是以鼓舞樂從易於襄事自茲以往尤望諸生瞻仰宮牆愈懷義路禮門之訓將見炳

炳麟麟人文蔚起庶不負國家建學儲材之至意余於諸生有厚期焉 乾隆二十五年知州張恩世建尊經樓監生楊

正陽建文明坊三十五年改州為縣廟仍其舊三十八年知縣趙

椿齡鑿泮池道光今仍舊光緒

邱北縣學宮 在縣治北城內創始於清雍正年間乾隆四十四年

縣丞鈕熊飛同闔邑士庶重修咸豐七年軍興焚燬

光緒志

武定直隸州學宮 在府治西門外獅山之麓明隆慶三年巡撫陳

大賓奏建於府治東北

案大政紀隆慶二年十二月設武定府儒學

清康熙十五年三月大成殿

災署府王光祚重建二十五年知府王清賢建啓聖祠及兩廡兼

置祭器樂器六十一年署府范溥改建今地雍正九年知府朱源

淳知州徐修仁增修十二年又移建明倫堂并增祭器樂器

雍正志乾

隆間重修二十五年改府為州裁同城之和曲州學仍舊制五十

九年知州周名炎率紳士移建西門內

道光志

咸豐年間城陷燬於兵

同治十年知州郭懷禮率闔邑士庶修建於武定營參將舊署光

緒二年知州郭懷禮回任復捐貲補修五年知州劉毓珂學正黎



升鼎訓導鄭世卿率紳士續修大成門東西廡道德二坊

武定州志

元謀縣學宮

在縣治東舊無學明天啓三年知縣齊以政建廟廡

啓聖祠崇禎三年知縣范齊歐始詳請建學置官清康熙二十一

年知縣政光啓重建櫺星門兩廡泮池三十四年知縣莫順鼎建

啓聖祠明倫堂五十四年知縣王宏任拓地重修雍正八年知縣

劉振斯重建殿廡規模較前倍爲宏敞

雍正志

乾隆十年教諭吳偉柱

修大成門建文明坊

道光志

同治十年杜文秀之變焚燬殆盡僅存大

成殿十三年闔邑士庶重修東西廡大成門至光緒四年始落成

光緒志

祿勸縣學宮

祿勸州廟學在州治西明崇禎三年知州陳所養始

建清康熙五十一年知州石德恆改舊殿爲啓聖祠新建大成殿

兩廡泮池明倫堂雍正志學正高攀雲重修大成門知州李廷宰新建

德配天地道冠古今二坊縣志乾隆三十五年改州為縣學仍舊制

六十年訓導楊朝架拓修殿廡較前宏敞道光四年教諭盧日升

訓導張鍾偉重修道光志咸豐年間因亂焚燬同治九年知縣沈基源

率邑紳籌款重修光緒志

元江直隸州學宮 在府治東北明洪武二十六年建

案明史土司傳洪武二十六年置元江府儒學

嘉靖四十年遷於府治北康熙志萬曆二十五年土舍那天祐重修古今圖書

成集夷中向學者鮮諸生多以臨安府屬人充之教官亦僑寓臨城

天啓三年始建元江學署於建水州學左以為師生講習之所清

順治十六年改土設流學署遷於府城內歲久多毀康熙九年知

府潘士秀建大成門康熙志二十六年副將毛來鳳知府紀振乾通判

陳大受教授丁熾南相繼重修

古今圖書集成

二十九年知府單世教授施

發甲鑿泮池

康熙志

四十二年知府李贊元建尊經閣

元江州志

五十年知府

章履成修建大殿及兩廡五十二年教授張鳳鳴陳問伯建志道

據德依仁游藝四齋及居仁由義二坊雍正六年知府遲維璽教

授楊薰增築月臺置祭器樂器演習樂舞九年知府祝宏教授楊

薰改建櫺星門石牌坊增建月臺石欄杆

雍正志

乾隆十一年知府董

廷揚教授陶以敬倡捐重修十九年提學沈慰祖布政使阿蘭泰

知府張鈞率各官捐俸及紳士重修二十二年教授張維燦重修

崇聖祠大成門龍階三十五年改府爲州廟學仍舊嘉慶九年署

州歐陽道瀛學正湯國侯率紳士重修兩廡二十一年署州劉繼

柱學正張含英率紳士新建木坊

元江州志

同治三年游擊舒世泰拆燬

尊經閣大成殿及兩廡光緒九年官紳請款捐貲重修

光緒志

新平縣學宮

在城東北隅明萬曆二十一年知縣李元芬建廟廡

議設學不果諸生仍寄元江府學

古今圖書集成

清康熙三十一年設學置

官知縣祖澤灝重建雍正八九等年知縣曾應兆殷良棟先後重

修雍正志乾隆五十年知縣龐兆懋教諭郝英重修大成殿道光二年

知縣譚人瑞教諭羅宗璉率紳士重修新平縣志同治元年邑紳趙從舜

倡修崇聖祠

光緒志

黑鹽井直隸提舉司學宮

在司治北錦繡坊

案雍正志作司治東

明萬曆四十五

年永甯府署井事韋憲文卜建天啓二年署提舉馬良德詳照各

省鹽司事例建學設官六年署同知吳思溫重建黑鹽井志崇禎十三年

署通判曾曰琥重修古今圖書集成清康熙三十八年提舉沈懋价重修雍正志



乾隆十二年署提舉孫嵩拓地建崇聖祠設樂舞置樂器十九年

提舉邱兆熊重修大成殿及兩廡三十年提舉黃輔重修大成門

鐘鼓亭建禮門義路坊志井咸豐元年大成殿災提舉劉廷諤同井

紳武康臣重修九年杜文秀之變復燬於兵同治十年提舉郭時

郁籌款修葺七月龍溝河蛟泛淹沒大成殿一角及東西廡光緒

七年提舉蕭培基籌款重建大成殿東西廡及照壁光緒志

垠鹽井直隸提舉司學宮 在司治左明天啓間署同知吳思溫詳

建於司治東康熙志崇禎間署司事永昌推官陳荀產都司斷事陳至

宣相繼增修清康熙四年提舉簡高以舊設廟基卑隘移左首重

建大成殿兩廡明倫堂戟門櫺星門十二年提舉來度率紳士增

建啓聖祠及殿角牆垣四十九年提舉沈鼐重修建啓聖祠楚雄志雍

正十一年提舉李國義重修瓊蘭井志咸豐九年爲杜黨拆燬井紳張景

清同闔邑士民捐貲修補光緒元年改移石膏井廟學仍舊光緒志

白鹽井直隸提舉司學宮 在司治北舊建於老君土主二廟間明

萬曆三十七年庠生陳經遷建於象山之陽四十八年提舉楊之

琳重修建明倫堂天啓六年署司吳思溫崇禎五年提舉王文瓊

繼修白鹽井志原設社學竈籍諸生俱寄入府州學崇禎間提舉楊燦輝

詳請建學設官清順治十六年裁學歸府殿廡傾圮雍正志康熙五年

提舉趙大生修葺九年提舉嚴一詔修啓聖祠二十二年提舉夏

宗堯增修古今圖書集成雍正十三年提舉劉邦瑞紳士羅銓等重建崇聖

祠大成殿尊經閣疏泮池增學署雍正志乾隆二十年提舉郭存莊增

建崇聖祠井志嘉慶元年署提舉李文熙重修十六年提舉李藹建

尊經閣道光四年提舉曹錫爵修崇聖祠

道光志

軍興焚燬光緒五年

署提舉黃增益就清真寺基址改建

光緒志

二十學提舉

二十學提舉

二十學提舉

二十學提舉

二十學提舉

二十學提舉

二十學提舉

二十學提舉

二十學提舉

二十學提舉